



重修衡岳志序



蓋余於衡岳有宿緣焉余羅浮
山下人也史稱羅浮為南岳佐
命而九僊亦云衡岳水簾洞與
羅浮通羅浮號朱明洞天舊矣
而朱明峯亦在衡岳此兩山者

實有瓜葛余所謂宿緣者徵是
也余昔讀書捐僊樓與羅浮水
簾相對匹練霏霏落筆格余
灑以浮提之汁時化作五色鳥
飛去因思洞中僊躑暗達朱陵
風為馮神為御豈更駕我每興

到躡飛雲拍玉女肩輒遙獻祝
融君一杯酒曰訂盟無寒余神
往來於衡岳者踰廿年宦海浮
沉幾負尚平志矣然余不忘岳
岳亦不鄙夷余若有作其合者
余由南垣出臬楚時病喝服餌

野寺已誓唾雞肋而煮蓴絲白
門諸詞客過慰籍蹤余肘曰湖
南不惡祝融君在焉此不足為
居停主邠域中五大是據其一
丈夫筋力健不自騰蹕垂老乃
向臥遊圖討風景何沒沒也余

登然起曰賴有此君病劇幾忘
之汗簌簌下疾良已余是以有
浮湘之興則僮熙余者岳也余
則何以報岳靈余通籍凡三仕
矣皆占湖山吳門白下不乏名
勝至今益廓而大如顧長康啖

嶺漸入佳境余則何以報岳靈
且余所取大者甘泉白沙兩先
生蓋吾鄉之望也白沙老病欲
遊衡岳而未遠甘泉大耋一再
至計杖屨亦躋登矣小子不敏
得及壯而遊尚饒濟勝具有天

幸焉余則何以報岳靈遊當夏
之夜雲垂垂欲雨山僧勸且需
余謂欲觀海日決宵征乃賈勇
而上俄頃四天澄明祥飈不驚
珠星璧月伸手可掇夫開雲霧
雪久艷人口余偶然而遇孰為

為之余則何以報岳靈鄉者歲
之不登也瘡痍未起民且狼顧
今銷癘澹菑雨暘若禾稌豐蓋
岳實開石廩以粒吾民也余始
得與民偕樂于遊于觀則又何
以報岳靈夫岳坐離明平衡元
化秩視三公古天子所時巡而
加禮者也楚泱泱大國茲為重
鎮夫國且有史岳可無志乎重
志所以尊岳實余司巡者責也
夫徵文考獻績往鑑來俾靈蹟
昭宣勿墜勿穢所用報岳靈無

先於此者舊固有志已漫聽刊
故不可諦視魯魚襲訛掛漏滋
多博處傷蕪約處傷缺岳靈忽
焉殆有意於余而授之簡乎先
是曾金簡先生壯歲拂衣久栖
衡岳素留心於此道蒐羅攷校

函帙既富廊生祖詩乃得其秘
藏生讀書岳中者有年益漁獵
所未備余官有餘閒鈴閣晝靜
因字櫛而句讐之間出已見僭
加繩削大都視舊志蕪者去什
之三缺者補什之五至於訂疑

似析同異斤斤彬彬期足徵信
而周墮於荒唐穢雜則郡邑諸
大夫及兩王生邊寧國泰劉生
經造袁生伯猷相與殫力商確
始成完書蓋聚衆白以成裘非
余管見所敢擅也編成授梓余

獨捐俸竣其事毋煩郡邑諸大
夫蓋余神交者廿餘年而始獲
此遊遊而欲報岳靈者五而今
了此願岳靈聞之而後喜可知
也雖然未既羅浮固岳之佐命
而岱恒嵩華六岳之蘭昆玉季

也余假羅浮為紹介得奉筆札
之後岳靈其轉而紹介彼四君
當次第曳裾其巔余穎雖禿尚
堪為四君作董馬其間余斬余
且宿春糧矣

萬曆四十年壬子清明日

欽差整飭柳桂衡永兵備分巡
上湖南道湖廣按察司僉事
粵東莞鄧雲霄撰于天籟亭

衡岳志

凡例

一方岳巨鎮上應星躔故考諸象緯家有開衡岳
悉據入實補舊志所未備云

一岳志舊圖甚畧茲按五岳真形及岳廟石鼓方
廣黃庭並圖之蓋圖石鼓以括書院圖方廣以
括祗園圖黃庭以括玄都斯全岳可概

一舊志載仙釋多缺遺茲閱佛道兩藏實蹟可據
盡採之諸別傳與衍者不入

一歷代帝王祭告不敢挂漏彰盛典也諸使臣祝

語止彙其尤不概錄以滋繁蕪

一舊志詩文序記每載之各景下前後冗雜觀者厭之茲別以門類頗便檢閱

一唐人品詠甚多舊志草草漏佚殊堪扼腕今廣爲蒐羅而宋詩近唐者並入之若朱張倡和別有集在方廣不多及

一國朝名公墨蹟雖借爲山川重第作者宮徵未諧錄者瑕瑜並列非以示不朽也因借爲之哀汰倘曰志者記也必欲觀其全則有舊牘在知我罪我敢不惟命

一朱陵靈臺太虛寶洞此衡岳記中語也茲志仍以八字分卷蓋祝融君實錄云

凡例畢

衡岳志採用書目

易經

書經

詩經

周禮

春秋緯

春秋元命包

楚詞

星經

石氏星經

山海經

天文志

異苑

說苑

蔡邕月令章句

史記

漢書

爾雅

廣雅

博雅

漢武帝外傳

晉書

唐書

新唐詩

宋書

漢史

晉史

唐史

隋史

宋史

野史

小史

外史

全史

東方朔五岳圖

魏陳卓躔次

論語摘輔象

抱朴子

東軒畢錄

龍魚河圖

唐僧一行著論

洞淵集

七籤

佛藏錄

道藏志

藝文類聚

百斛明珠

文苑英華

酉陽雜俎

漢魏詩乘

唐詩合併

唐詩品彙

批點唐音

苑詩類選

萬首唐詩

萬花谷

詩調連陴

皇甫謐世紀

文體明辨

韓文公集

李鄴侯文集

歐陽文忠公集

蘇東坡文集

周濂溪集

趙清獻集

朱文公地理論

張南軒集

蔡九峰集

杜天師拾遺

開山圖

列仙傳

異僧傳

高僧傳

神僧傳

傳燈錄

楚志

楚紀

名山古蹟紀

福庭志

岱史

東岳志

華山志

嵩山志

恒山志

武夷志

羅浮志

盛弘之荊州記

寰宇記

湘中記

衡山記

衡山記

徐靈期南岳記

南岳山川考

南岳勝槩

冲昭南岳小錄

南臺翰墨

方廣翰墨

衡州郡志

衡山初志

劉熙南岳志

彭簪南岳志

姚禹門南岳志

茹忠誠伯集

王陽明文集

陳白沙集

湛其泉集

李世卿集

鄒東廓集

羅念菴集

楊升菴文集

李滄溟文集

李空同文集

李西涯文集

王弇州文集

張太岳文集

管慕雲湖湘集

李斗野同聲集

曾植齋紫玉集

沈介菴浮湘集

曹校書詩集

伍益齋鏡湘集

郭明龍黃離集

張斗樞詩畧

劉凝齋文集

何孟春文集

太平廣記

劉仁山文集

蔡白石文集

廣輿記

鄺忠肅家乘

鄧東溪文集

衡嶽志

嶺南志

嶺東志

太平記

山文集

蔡自西文集

張平賦

嶺南文集

何孟春文集

信樂

山文集

張自西文集

衡嶽志

目錄

卷之一

朱字部

星野

圖考

山水

書院

卷之二

陵字部

寺觀

物產

田賦

靈異

古蹟

碑碣

名賢

卷之三 靈字部

僊釋

卷之四 臺字部

祀典

御製

卷之祝告

賦

序

跋

傳

銘

卷之五 太字部

修記

卷之六 虛字部

祀記

遊記

卷之七 寶字部

四言古詩

卷五言古詩字部

五言排律

五言律詩

五言絕句

七言古詩

七言排律

卷之八 洞字部

七言律詩

七言絕句

目錄畢

新志

目錄

三

衡岳志卷之一

分巡上湖南道僉事東莞鄧雲霄編刪

衡州府知府長泰楊鍾英

衡陽縣知縣清江羅夢暘

衡山縣知縣汜水何登高同訂

獎不美蓋鄉紳禮部郎中耒陽曾鳳儀輯纂

衡州府學生貢王邊寧

衡陽縣學生貢王國泰

劉經筵

臨武縣學生貢鄭祖詩


柳太州 學生負袁伯鸞同校

星野

書別錄 學生負王國泰

周禮保章氏按星次分野後世因之觀象察變毫髮不爽蓋陰陽之精在天成象在地成形影移響應理一也禹貢荊州域麗翼軫當鶉尾次天文家從北斗魁紀之魁第二星曰天璇爲法星主地屬楚春秋緯云大別以東至于雷澤九江荊州屬衡星卽北斗玉衡星是也斗垣居中衆星環拱玉衡獨當南面衡岳爲天南巨鎮因以此得名星經云玉衡主荊州而長沙一星在軫之中主壽長子孫昌亦曰壽星之次衡岳舊屬長沙郡故又謂衡岳爲壽岳也其方爲離離者明也聖人南面聽治日向明蓋取此職方氏曰南嶽之鎮曰衡以其分當翼軫光輔紫宸上列註生之宿下符長育之功稱物平施故謂之衡衡之義所從來矣故以斗衡翼軫爲宗餘星之主荆域者附著之志星野

南方七星玉衡圖



星野正占

春秋緯

自大別以東至雷澤

星經

玉衡星主荆州常以五卯日候之乙卯為南陽
巳卯為零陵辛卯為桂陽癸卯為長沙丁卯為

武陵

廣雅

荆屬

宋天文志

北斗第二星曰

春秋元命包

軫星散

石氏星經

南宮赤帝其精朱鳥為七宿井首鬼目柳

周禮

鄭註保章氏以星土辨九州之地

史記

翼軫

荆州

卷之二

星野

蔡邕月令章句 起張十二度至 軫六度為荊州

魏陳卓郡國疆次 自張十七度至軫十一度為荊州

皇甫謐世紀 自張十八度至軫十一度曰鶉尾之次 於辰在巳謂之大荒落於律為夷則則斗

建在申今 楚分野

晉書 翼軫楚荊州南陽入翼六度南郡入翼十度江 夏入翼十二度零陵入翼十一度桂陽入翼六

度武陵入軫十度 長沙入軫十六度

新唐書 鶉尾值建巳之月內列太微為天廷 其分野自南河以負海亦純陽地也

唐書 布太微之政而在巽維外者 鶉尾也故為列山氏之墟

唐書 翼軫鶉尾也初張十五度餘千七百九十五秒 而東盡漢之南郡江夏東達廬江南郡濱彭蠡之 西得長沙武陵又逾南紀盡鬱林合流之地自沅

湘上流西達黔安之左皆全楚之分自當昭象 繡容自廉州巳酉亦鶉尾之墟古荆楚節都羅權

巴夔與南方蠻貊之國翼與味張同象當南河之 北軫在天關之外當南河之南其中一星主長沙

逾嶺微而南為 東既青丘之分

爾雅刑昷疏 巳為鶉尾初張十 八度終軫十一度

桂陽軫六度 今郴州宜章永興桂陽桂東興 寧耒陽常寧桂陽州臨武藍山

長沙軫十六度 今長沙府茶陵州長沙善化湘潭湘 陰寧鄉瀏陽醴陵益陽攸縣安化寶

慶府邵陽新化衡州府衡陽安 仁鄴縣岳州巴陵臨湘平江

星野附占

宋天文志 大微垣三台六星兩兩而居其西其西逸 文昌二星日上台為司命上星主究豫下

星主 荆揚

論語摘輔象

充豫屬上台
荆揚屬下級

宋天文志

天市垣西藩十一星
南一曰魏二曰楚

星經

熒惑主霍山
揚荆交州

史記

吳楚之疆候在
熒惑占於鳥衡

唐書

星紀鶉尾以負南海其
神主於衡山熒惑位焉

張衡云

五車星在畢宿北五帝座也東南
中一星曰司空主鎮星楚分荆州

圖考

昔人云岳有五遊其四致足愧也然非禹攬穆駿
 烏能遍歷欲從尺案寸楮森羅名勝則圖籍是徵
 已衡岳發自岷山而羅浮潛霍為之輔九疑峙其
 南洞庭滙其北延袤峯嶽幾數千里群巒錯繡支
 溜拖藍霞蔚雲蒸隱見萬狀令柱笏介然應接不
 暇誠天然化工非人巧可模擬者也舊圖多脫落
 茲各按形肖之并附考畧夫冥搜玄覽之士效宗
 生臥遊舍此奚津筏乎志圖考

五岳真形圖



右圖石刻引道經云五岳之神分掌世界人物各有
 攸屬又引抱朴子云凡修道之士棲隱山谷須得五
 岳真形圖佩之則鬼魅虫虎一切妖毒皆莫能近又
 云太初中李充稱馮翊人三百歲常負此圖人或佩
 之渡江海入山谷或夜行宿山房邪魔魑魅魍魎悉
 皆隱遁虔供居地必獲積祥又嘗見萬花谷記西王
 母與上元夫人降漢武帝帝視其中器中有小書乞
 瞻覽母曰此五岳真形圖也乃三天太上所出豈汝
 所宜佩乎帝乞不已與之藏栢梁臺余按諸說雖不
 可知然此圖必有所自而五岳之神亦不可誣也存

之將以資博識云
昔黃帝遊觀六合後造神靈見東中西北四岳顯有
佐命之山惟衡山峙立無輔乃與昌宇力牧方明等
章祠三天大上使命霍山潛山爲南岳儲君并青城
山爲丈人署廬山爲使者令總衡岳以鼎鎮舉德真
而爲主儲君者衡岳之副君也吳越人或以霍山爲
岳其實非正也

五岳真形者乃山水之象也盤曲迴轉陵阜形勢高
下參差長短卷舒波流似于奮筆鋒鏘暢乎嶺嶸雲
林玄黃有如書字之狀是以天真道君下觀規矩擬

縱趣向因如字韻隨形而名山焉子有東岳形令人
神安命延存長身久入山履川百芝自聚子有南岳
形五瘟不加辟除火光謀惡我者反還自傷子有中
岳形所向唯利致財巨億願願尅合不勞身力子有
西岳形消辟五兵入刃不傷山川名神尊奉司迎子
有北岳形入水却灾百毒滅伏役使蛟龍長享福祿
子盡有五岳形橫天縱地彌綸四方見我懽悅人神
攸同

昔黃帝徵師諸侯與蚩尤戰于涿鹿之野遂擒之諸
侯咸宗爲天子代神農氏是爲黃帝天下有不順者

從而征之破山通道未嘗寧居東至于海登泰山及岱宗西至崢峒登雞頭南至于江登熊湘北遂蟬粥金符釜山而邑于涿鹿之阿遷徙往來無有常處察四岳並有佐命之山而南岳獨孤峙而無輔乃章祠三天大上道命霍山潜山爲儲君奏可帝乃自造山躬寫形像連五岳之後又命拜青城爲丈人署廬山爲使者形皆以次相續此適始于黃帝耳

按東方朔言古書五岳真形首目者乃是神農前世大上八會群方飛天之書法代鳥跡之先代也自不得仙人譯注顯出終不可知也凡道士欲佩畜進取

山象及書古文卷畢以此題外面然後盛之帶符當得正月建寅齋七日齋中寫白訖醮如傳授法但易章中自說詞皆隨人也凡寫書皆燒香于左右母狎褻乃驗

龍魚河圖云太山君神姓圓名常龍衡山君神姓丹名靈峙華山君神姓浩名鬱狩恒山君神姓登名僧嵩山君神姓壽名逸群呼之令人不病

七籤云東岳姓玄丘名目隱南岳姓爛名洋光西岳姓浩岳名元倉北岳姓伏名通萌中岳姓角名普生五岳圖序云大山君羅浮括蒼佐命衡山君黃帝所

命霍山潛山爲儲嵩高山少室武當佐命華山君地
胙女几佐命恒山君綠逢抱犢佐命
龍魚圖云太山將軍姓唐名臣霍山姓朱名丹華陰
姓鄒名尚恒山姓莫名惠嵩高山姓石名玄恒存之
却百邪
五岳真形圖見萬花谷記又見抱朴子謂南岳衡山
在衡州衡山縣大處真人得道處瀟山霍山二山爲
副岳神姓崇諱壘封號同天昭聖帝南岳者主星象
分野兼水族魚龍之事

山醮五岳圖文


弘讓

夜靜瓊筵謐月出杏壇明香烟百和吐燈色九微清
五岳移龍駕十洲廻鳳笙日想靈人格心屬羽衣輕
蕙肴薦神饗桂醕達遙誠熙然聊自得挹酒念浮生

衡岳總圖

涿口

卷之二




衡州府志

卷之二


十

南岳廟圖



集賢書院圖

明克山房



衡山志

卷之二

衡山志

卷之二

德壽志 卷之二
廟在赤帝峰下其制壯麗亦擬王者正殿七十二
楹高七丈二尺以象七十二峯之數前殿獨神一
座冕服自唐虞三代舉望祭之典秩視三公至唐
始加王爵宋易以帝號

明興始正神號曰南岳衡山之神後殿與后並處東
西北三廊壁宋武洞清遺畫爲廊七十六間前曰
嘉應門外爲正南門又外爲櫺星門外東爲神厨
壽澗之水逶入神厨以供盥滌循廊而出溉田數
百畝廟中古松滿庭皆經千百年後成者每歲春
秋仲月有司卜日而祭幣用赤牲用羊豕粢盛脯
醢庶饌用山中土宜每歲則

朝廷頒香幣凡

上登極及有事祈禱則遣大臣或近臣特祭焉洪武
四年賜黃金盒一重一斤祭則捧香以獻銅香鼎
不可圍抱左有銅鍾重九千斤俱前朝故物遇大
祭則鍾聲先振并記之

衡岳行祠圖




岳廟去縣三十里許士夫東西行過者或謁拜不及
遂望空遙禮而去故立行祠岳境上以便瞻叩往
來便之有司朔望行香亦在行祠祭祀則詣廟

石鼓書院圖




衡岳非僅為仙釋藏真也實吾儒講道論業之所如
 胡文定周濂溪朱晦菴張南軒後先繼起莫不來
 遊茲山選其最勝者立為書院連袂唱酬山靈躍
 然至於石鼓屬府城北隅距里餘而蒸湘環拱首
 枕圓鴈足跨岳麓誠衡一最奇境也特繪之以見
 先儒遺蹟云

方廣寺圖



寺由廟山逶逸西去四十餘里突起石廩結爲蓮花
 峯八山四水周匝環繞如蓮擁出蓋亦象其形也
 說者謂爲龍王潭開佛法而王以地敵項刻塞以
 金沙於是方廣寺之設詩云山似蓮形開朶朶
 僧家住在藕花心以此思勝則方廣之勝可知已
 故特繪之以見火裏蓮花之一微云

黃庭觀圖



觀由廟距集賢峰二里許為魏元君飛昇處夫元君
 一女流耳翩翩人世之外脫骨名山卒以仙終而
 况烈烈為丈夫者乎羈紲世網可勝悲哉峰頂
 有巨石中有形似足說者傳為元君遺踪雖其事
 不可考而悵而望之亦足令人起滄霞之想矣故
 特繪之以表衡岳之僊云

衡山志卷六

山水

今夫靈宅奧區三神山邈乎海之上矣睽茲震旦
覽勝探幽感昔人之所嘗遊而偃仰嘯歌洒然于
塵壒之外斯不亦出世之孤踪騷人之極致歟按
衡爲五岳之一地脉發于岷山由蜀入黔迢遞九
疑連絡五嶺橫亘其南即南方之幹也其初爲黔
嶺沅澧二水夾之而地盡于德山其次爲騎田嶺
湘濱二水夾之而地盡于岳麓其次爲郴嶺桂嶺
左洞庭右彭蠡而地盡于匡廬其末爲梅嶺逶迤
而東分爲三支一爲金陵一爲古杭一爲四明而

地盡于海騎田嶺從湘水紆曲而來湘水自九疑
出分爲二一入洞庭一入粵西水支南北流而嶺
亦有騎田之勢故名騎田自騎田入楚蘊結磅礴
平展數百里突起南岳高可三十里濶一倍高長
八倍濶巍然伯仲太華于嵩恒不啻衙官之矣今
天下佳山水必引衡岳屈一指閔遐邃曠凹凸昂
伏僅野猿飛鳥到之人跡罕能至姑母論即就耳
目所及一爲據拾曰峰曰巖曰洞曰壑曰泉曰池
曰澗曰潭表異者未可縷數蓋山川有顯海陵谷
無遷移莫非仙靈之夙棲而詞翰之遺藪也湘濱

一水交襟衡山東北流至長沙岳麓爲一門戶至
洞庭君山又一門戶至大別黃鵠磯又一門戶天
造地設非南宗一巨觀耶維岳降神有開必先
天之將雨山川出雲有自哉志山水

黃帝定五岳南岳衡山以濤霍爲衡之副

夏書禹貢云隨山刊木奠高山大川荆及衡陽惟荆
州江漢朝宗於海導水岷山之陽至於衡山

周武王受命辨九州之國正南曰荊州其山曰衡

周禮職方云荊州其山鎮曰衡山

爾雅云霍山爲南岳

廣雅云天柱謂之霍山開山圖云其山上侵神氣下
固窮泉

三禮義宗云南岳謂之霍霍者護也言陽氣用事盛
夏之日護養萬物故以爲稱

徐靈期南岳記云衡山者五岳之南山也其來尚矣
至於軒轅乃以瀟霍之山爲副焉故爾雅以霍山
爲南岳至漢武南巡又以衡山曼遠道隔江漢識
記皆以瀟山爲岳乃徙南岳之祭於廬江瀟山蓋
承軒轅爲副之義也

盛弘之荊州記云南岳衡山朱陵之靈臺大虛之寶

洞上承冥宿銓德鈞物故名衡山下踞離宮攝位
火鄉故號南岳赤帝館其嶺祝融寄其陽威神堂
堂蔭映峩峩是以宅歟神靈室宇仙羅

洞淵集云衡山洞名朱陵太虛之天卽神農爲赤帝
治南岳者昔上帝降玉冊寶印賜注生真君永鎮
靈岳卽吾皇比壽之山

案宇記云宿當翼軫度應璣衡故曰衡山山有錦石
裴然成文

太史公稱太荒之內名山五千其在中國有五岳作
鎮羅浮括蒼輦十山爲之佐命若羅浮爲南岳佐

乃第七洞天也

韓文公送廖道士序云五岳於中州衡山最遠南方之山巍然高而大者以百數獨衡爲宗最遠而獨爲宗其神必靈

歐陽文忠公序云元氣之融結爲山川山川之秀麗稱衡湘其蒸爲雲霓其生爲杞梓人居其間得之爲俊傑

朱文公地理論云岷山之脉其一支爲衡山者已盡於九江之西

蔡九峯云江漢南之山則岷山之脉其北一支爲衡山而盡於洞庭之西

長沙志云衡山軒翬聳拔九千餘丈尊卑差次七十二峯十洞十五巖三十八泉二十五溪九瀆九潭九井而峯之最大者五曰祝融紫蓋雲密石廩天柱惟祝融爲最高

湘中記云衡山有三峯其一名紫蓋天景明徹有一雙白鶴迴翔其上 一峰名石困下有石室中常聞諷誦聲 一峰名芙蓉上有泉水飛流如舒一幅練分映青林直注山下

又云自湘川至長沙遙望衡山如陣雲沿湘千里

九向九背乃不復見
 衡山記云雲密峯有大禹治水碑皆蝌蚪文字碑下
 有石潭流水潔之最為勝境
 南岳記云南岳周廻八百里廻鴈為首岳麓為足杜
 荀鶴詩云猿到夜深啼岳麓鴈知春信別衡陽
 舊志云自廻鴈至仙頂七峯在衡陽縣界自祝融至
 天柱五峯及金簡降真芙蓉等五十五峯俱在衡
 山縣境其碧岫屏障日華岳麓則在長沙府界共
 為七十二峯紫蓋雲密天柱石廩四峯皆去衡山
 縣西北三十里

福庭志云朱陵之天周環七百里七十大峯有五小

峯有二壇曰霞光曰青玉

道書第三洞天曰朱陵洞天又名水簾洞畢田詩云

洞門千尺掛飛流玉碎珠簾冷噴秋

二十四福地青玉壇在南岳頂即今會仙橋是

二十五福地光天壇在南岳頂今改為上封寺

二十六洞靈源在南岳招仙觀西鄧先生所隱地即

今水簾洞後一弘敞地四壁如城人罕至者

峯 凡七
 十二

祝融峯

在縣西北三十里高九千七百三十丈在諸
 峯之此最高擁諸峯而直上位直離宮以配

火德乃祝融君游息之所山巔有風穴雨將作陰風自穴而發又有雷池宋時禱雨有應建廟池上按楚之先祖出自帝顓頊高陽高陽生稱稱生卷章卷章生重黎重黎為高辛火正命曰祝融祝融之弟吳回吳回生陸終陸終生子六人昆吾參胡彭祖會人曹姓季連芊姓季連之裔曰鬻熊鬻熊生熊麗熊麗生熊狂狂生熊澤熊澤僻在荆山篳路藍縷以處草莽跋涉山林桃弧棘矢以共王事與魯公伯禽衛康叔子牟晉侯變齊太子呂伋俱事成王且鬻熊為文王師也故成王封之於楚冊陽錫以子男之冊冊陽錫今在枝江

紫蓋峯

在岳廟東高四千五百丈九尺乃朱陵洞天之源其形巖峩有似鹿蓋因以為名其山頂向東北勢若不圓頓然覽勝者情若恨之頂上有鶴泉仙人池翠麓岩及鶴鳴寶霞天寶等臺下有紫蓋院其壬氏藥堂

天柱峯

即雙柱峯在岳廟後兩山端聳百丈其形似柱因以為名九域志云名山三百六十中有

石廩峯

在岳廟西南其上方澗上丈方輿記云形如閉則歲獻上有承天寺玉清宮故址又有風穴雷泓思裁石誦經壇陳真人煉丹臺遺跡昔有胡淳先生常乘白豹遊之

芙蓉峯

在岳廟後上有飛泉瀑布下灌田畝昔赤精子授經於此有講經壇即今講經石是也方圓丈餘刻有天下太平四字傍有岩三際居此中六年今復歸嵩山

赤帝峯

在岳廟後古名煉玉峯上有惠車子尸解處東有趙澗石碁盤按赤帝一云祝融一云炎帝宋太祖求帝王之應祀者獨神農氏陵不可得矣神人戴一笠持兩火訢不血食覺而問群臣曰茲非炎帝乎火位南方宜南方求焉遂遣至長沙衡山之境求之遇一老人引而示之曰此炎帝塚也忽不見報遣祀之

朱明峯

在正殿後昔有鄺仙修真南岳朱明峯下一日偶復遊羅浮騎牛入朱明洞不復出云此

南岳前洞

師子峯

即柿蒂峰在岳廟後下有靈源但聞石間冷冷然而不見水其下為福嚴寺明道山房

煙霞峯

在岳廟後南有小伙牛塔院東有李鄴侯端居室及懶殘岩按李泌隱居南嶽遇異人懶

殘授以秘術曰慎勿多言領取十年宰相即此處也

擲鉢峯

在岳廟後上有定心石下有隱身岩虎踞卓錫二泉觀音馬祖二菴岳心亭堯率橋皆列

於前後左右世傳思大和尚擲鉢於此赴陳主之召故名

彌陀峯

在山左東北有岩虛險而暗古木惟藤蔭蔽其間下有彌陀寺唐柳子厚為記般舟即此

處也

香爐峯

在紫蓋山南有寶勝寺與朱陵洞相近

架鶴峯

即紫霄峯在岳廟東下有銓德觀上有架鶴亭傳者謂東晉尹真人飛昇於此

軫宿峯

在岳廟後居祝融峯南上當軫宿漢天師第七代孫獲天書之所

瑞應峯

在岳廟西北昔有大木枝柯臃腫窪窪然而起恍如龜龍之狀故名

紫雲峯

在南臺寺下有衡岳寺故基胡文定書院甘泉精舍

集賢峯

唐李鄴侯必有書院在此峯下宋胡文定公安國子致堂先生寅五峯先生宏朱晦先生

熹張南軒先生杖講學此中故名曾金簡重修書院后松林靜室慧成幻然居之書經有年

華蓋峯

即靈芝之峯在岳廟後南有華蓋廟乃華蓋君雙子辨修行處

天堂峯

在山右東有石室殷景童禮斗處岩中多生芝草兩莖相纏有垂頭如滌俗呼為羅漢藤

安上峯

在南臺之西下有攝受寺安樂寺即今止觀橋趙季兩書齋墨池皆在有舜廟舜溪舜祠

傳者謂舜南巡寓此休息故名峯下石巉多古題刻里人呼為靈品摩諸舊刻率不可辨其可識者

日筆墟曰琴臺曰蟾石復有題詩蟾石不題姓名
其詩曰日月宮曾折桂遺影玉蟾邊人既收仙籍崑
應係洞天有名終不古無物勝長年妙得琴中趣
此聲非指傳又平田處玄峭壁題曰舜章字大如
斗然莫知所謂或曰岳志舊稱安上峯為舜悉符
經行處當時尚有古木存者亦秦松漢柏云耳彼
秦五松且傳於岱
岳矧有虞氏耶

永和峯 在山右上

觀音峯 在山右道方廣必經過其麓下
有羅漢墓金竹坪俱有異跡

雲居峯 在岳廟西南下有雲
居寺凝碧亭金牛路

紅花峯 即石樞峯在岳廟西
南有夕陽溪夕陽岩

雲龍峯 在山右即小五臺後山也西漢時蜀之青城
山道士王公神皮玄暉修真之所後唐有董
奉先繼之今存誦經石又
有雲龍寺墓塔寺基存焉

雙石 在山右有承天楚巖二寺明月菴常
山之半踰之即衡陽界小嵩山在焉

雙石 橋下有詩比有瀑布玉虹亭楚安寺捨身巖
二虎為侍者處

峒嶼峯 在岳廟西南衡陽縣界山海經云衡山一名
峒嶼山其上多青鸞鳥多鸚鵡湖中記峒嶼

山有玉牒出案神禹碑先王發雷
洞妙喜洞道人亭湛耳泉有銘焉

潛聖峯 在山右昔高僧希遷遊南岳尋方廣寺訪惠
海尊者了無踪跡一月見精舍號方廣遇尊
者語之留
一宿故名

妙高峯 在崇岳鄉方廣寺後左潛聖右妙高中有平
坦一區相傳為梁海尊者誦經處時有五白
衣長者聽經詢之乃龍王也願獻寺
基一夕擁沙為平地故建方廣寺

天台峯 在方廣寺西乃天台智者拜楞嚴處也天台
故為思太禪師高足弟子得法華三昧因竺

天台

天台

天台

天台

僧言西方有楞嚴經與法華互相發明故拜而求之積十六載今有拜經臺遺址云

蓮花峯

在崇岳下有方廣寺四水環繞山巒如蓮恍似蓮花擁出也故名

青岑峯

在山後有東林西林二寺東林即大福源西林今名西明寺又其上有清江菴云

白馬峯

在縣治西山海經云昔大禹巡狩至此殺白馬祭天今名殺馬冲盖有所本也

永泰峯

在紅花峯後當小嵩山石龍塘之間相傳為度姓者朝斗黍真之處有石恪隱室存焉

僊頂峯

在永泰峯右

會善峯

即古毛女峯在山右下有會善寺乃十八高僧相會處故更其名

白石峯

在崇岳鄉上有白石岩龍棲其後洞水流而不竭

回鴈峯

在衡郡城南圖經云南岳之首鴈每到此即止不過遇春復北去

朝日峯

在山左昔人有姓嚴者負暄於此故名按古史載赫胥氏堯慶

惠日峯

有高僧初憇於此後隋帝詔赴惠日道場稱吉賜號惠日因以其號名此山

瑰霄峯

在山左昔齊司空謂祝融與回息於此

碧蘿峯

即觀音巖在山後上有觀音閣一名玄明洞巖石甚奇如蟾望月如象朝真惜無裴點者

靈藥峯

在山左有石室昔新野先生與徐君周遊三湘入衡山採藥故名

會仙峯

在山右昔鄧郁之註經於此與子辨白雲先生讀書談道下有白雲先生堂故名上有會仙橋即試

心石處

降真峯

在山右僊錄云昔炎帝之女致齋於此感玄君降故名

金簡峯

在山後東有大禹巖吳越春秋云禹傷父功不成乃處衡山血馬以祭之仰天而嘯夕夢

一人自稱玄夷蒼水使者謂禹曰欲得我山神書者齋焉禹乃退齋一日遂有金簡玉字之書治水

之要

故名

衡志

三五

衡志

雲密峯

在岳山後昔大禹治水登此峯立碑紀其山高下丈尺上有會僊壇卅崖仙人石室夜遇陰晦有光跳躍俗呼仙燈又謂之聖燈岩又有大禹岩桃花源峯半有禹碑皆科斗之書

棲真峯

在山後下產雲母石昔武陽洞人遇一異人披髮草衣身毫長寸餘見之而走異人曰吾地仙非山鬼知汝至孝今日相遇亦有緣耳我棲此久常服蒼耳今二百餘歲吾教汝服之忽失所

在因以得名

僊巖峯

在山後下有石岩高丈許可容一二百人說者俱謂劉根先生煉神之所南有大洞相傳為朱陵洞之東門

翠鷺峯

在山後中有二石其形圓有石室在幽谷之中人不能到冠衡專愚今習靜其中焉

石困峯

在山後東有石室世傳惠車子修行於此嘉靖中趙大洲公建藏經閣端光念佛其中四十餘年十方呼之為豆兒佛云

祥光峯

即右鶴鳴峯在山後北有靈田常有月光現如飛燭狀故名

雷祖峯

在山後常祝融之麓祝融有雷池能興雲雨故以雷祖名真機禪僧修行此山有年

碧雲峯

在山後上有紫金臺雲氣如潑藍黛故名

白雲峯

在紫蓋嶺西有白雲寺下有龍潭神龍出入靈感有驗人茹葷者不敢近為朱陵洞天之東便門下有白雲洞

九女峯

在紫蓋嶺下有九女廟今西北有九子岩即九仙觀舊址也

靈禽峯

在紫蓋嶺唐薛幽棲於此祈真感禱有鳥群飛羽毛鮮異紅碧相間上下和鳴音如笙簧

故名

雲隱峯

在紫蓋嶺下有伏虎岩

耆閣峯

在紫蓋鄉山形似天竺耆閣故名

喜陽峯

在紫蓋鄉南有北帝院北有田真巖

靈應峯

在山左南陽新野人鄧郁之子元達曾修煉於此其峯正當湘潭湘鄉之界

鳳凰峯

在永平鄉昔祝融君登南岳謁玄君感碧鳥鳳凰集於此故名記云上有峻坡而生梧桐

朱鳥若瑞故來儀焉馬融賦曰惟梧桐之所生今在衡山之峻坡

採霞峯

在縣東南武陽鄉即古應相峯齊褚白玉字元瓊隱南山十餘年採霞而食故名

曉霞峯

在縣東日出岫山丹霞掩映故名

巾紫峯

在縣治後上有平臺名紫金臺徑三丈昔大禹南巡至此望九嶷而祭舜焉其山無林木

多杜鵑花狀若紫巾故名禪僧性相駐錫峯上疏寫華嚴經三年

吐霧峯

在縣後與巾紫峯相連雲氣升騰雖晴亦雨霧則晴邑人觀之以定晴雨

碧岫峯

在湘潭縣界下有碧岫寺

屏嶂峯

即峽峙峰在湘潭縣界

日華峯

在長沙府界

雲麓峯

在長沙古潭州之西圖經云是南岳之足有岳麓書院湘中記云中有抱黃洞下有洞真

觀東晉鄧郁之修煉之處每秋白鳥常集於洞口左右有道林岳麓二寺為長沙岑道場今更名萬壽寺

嶺凡六

西嶺

在山右天柱峯側張南軒記云出西嶺過天柱

南嶺

在山前今稱橫嶺

開雲嶺

在縣治北韓文公過此陰雨默禱雲遂為開故名

馬嶺 在縣治南三十里

排子嶺 在明月峰後

羅漢嶺 在黃華坪一峯秀聳如觀音為後嶂十八圓峯拱之如羅漢故名黃華老人道場枕此

巖 凡二十四

大禹巖 在雲密峯禹治水致齋於此故名

聖燈巖 在金簡峯舊傳此山有珊瑚芝陰晦之夜有燈光搖動如人秉燭之狀俗呼聖燈

黃帝巖 在金簡峯

懶殘巖 在烟霞峯與李鄴候書室相近岩前有泉一掬

伏虎巖 在雲隱峯

把鉞巖 在祝融峯

觀音巖 在碧蘿峯

祖師巖 在祝融峯下

僊巖 在僊巖峯

田真藥巖 在喜陽峯田真諱良逸元和中修行於此後得道

劉根先生藥巖 昔有仙人劉根居之修行之所在九仙宮之西北頗甚深邃亦殊異之境

聽月巖 在講經臺下

白雲先生藥巖 在九真觀西開元中司馬天師承禩本號白雲先生後授真一先生嘗於

此修行

九子巖 在九女峯

上清巖 在岳廟後

爛柯巖 在烟霞峯下有大悲閣蓮池高徒直指習靜
其中十有餘年日禮大悲懺蔡承植曾鳳儀
俱有石記休
心亦居其傍

隱身巖 在獅
鉢峯

夕陽巖 在石
樞峯

夜光巖 在祝
融峯

師子巖 在天柱
峯下

拾穗巖 在雙石峯華林禪師拾餘
穗令二虎負之入岩故名

白石巖 在白
石峯

淨瓶巖 在烟霞峯原知休居此今
納川大士願習靜岩中有年

白鶴巖 在白鶴
寺後

天聖巖 在衡陽西南四十
里中真人得道處

洞 凡十
二

朱陵洞 在紫蓋峯下道家三十
六洞天此第三洞也

水簾洞 山上有泉至洞門如垂簾狀俗名水簾洞白
玉蟾詩云天下珍珠直下垂更無比鈞箔惹塵

雷 埃青鸞白鶴從教入紫詔黃封不用來
蘇廊照曉峯多為葛黃開縱饒展掛長千尺莫掩

王 羅浮紫翠堆九仙云
此洞與羅浮相通

舜洞 在安上峯舜南巡至此故
名洞前石壁有靈岩三字

靈境洞 在黃庭觀右洞深遠可
穿過舜洞今茅塞之矣

玄明洞 在觀音岩今架屋
其上其洞塞矣

朱陵後洞 在石鼓山相傳有仙從此入
南岳朝往暮歸今塞其洞門

抱黃洞 在長沙岳麓峯

九真洞 在碧岫峯

白雲洞 在吐霧峯

妙喜洞 在岫巖峯

玉清洞 在岳廟後

雷洞 在岫巖峯

毘佛洞 在芙蓉峯後往往有佛光顯現於望日亭見之甚確

石室 凡五

一在石困峯 一在靈藥峯

一在天柱峯 一在崩岩峯

一在天堂峯

青玉壇 即會仙橋俗呼試心橋昔朱晦菴張南軒同遊仙人橋即此路並石側足以入前崖突出

真臨萬仞之壑 真南岳高勝處

白壁壇 即光大壇在祝融峯今改為上封寺

尹真人壇 在岳觀北百餘步真人在黃庭觀魏元君禮斗上升處

禮斗壇 在黃庭觀魏元君禮斗上升處

臺 凡十四

望日臺 在祝融峯東五鼓鷄鳴時登臺而望萬山寂靜人間尚夜此處已光彩射映一望海門并無遮礙金輪擁出上下蕩漾高教丈始有精光蓋初望日時在海中漸升未離水分明天地開一大異物真奇觀也

良久山下方曉

望月臺 在祝融峯西人間夜月已沉而此處清輝自若良久始沒

仰天臺

在金簡峯禹治水至此仰天而嘯故名

朝陽臺

在流杯池

白雲臺

在紫霄峯下

紫巾臺

在巾紫峯

祝聖臺

在紫雲峯

凌虛臺

昔有薛天師季昌同尊師混汗相次居之得道

洞靈臺

相傳李天師明後居之得道亦是福地

金簡臺

在黃庭觀石

添香臺

世有女真居之得道小臺及聖境存焉

補衲臺

在方廣寺右石梁海尊者補衲處

講經臺

在擲鉢峯其石方平上有天子萬年四字

烟雨臺

在迴鴈峯南麓居士修真處

溝坪谷

凡八

上南溝

在前方峯下山西老法華無用居此水齋隱几相與為友

下南溝

相去十餘里僧了休習靜此中

隱真坪

在雲密峯之中坦然而平方潤五里許相傳為神仙遨遊之所時人尋之罕有到者

黃華坪

乃黃華老人隱居之所即黃華觀有詩刻石人共珍之臨武廟祖詩劉亨甲重建道一堂

又與衡山陳所學葦全修一庵院

栗樹坪

在小嵩山

九龍坪

白齋建大禪林集十方衲子煉磨此中

蒼萇谷 在岳麓山下乃仙巢先生鐘尚書閉居遊觀之地

靜谷 在紫巾峯右流杯池上

試心石 在會仙橋

金牛石 上有金牛跡

冲退醉石 在水簾洞石方平可坐可眠

壽字石 宋三山黃桂書大壽字方廣丈餘

石頭和尚盤陀石 在南

谷泉和尚盤陀石 在山後

棋盤石 在九仙觀相傳為趙湖石棋盤

船石 其狀如船在擲鉢峯諸石相倚人經其下造講經臺因呼為飛來船

龜石 在祝融峯上其形似龜

飛仙石 在黃庭觀魏元君飛昇之所

洗衲石 在方廣寺一石方平水流其上僅一二寸可以洗濯相傳為梁海尊者洗衲石

伏象朝真石 在觀音巖

玉蚌含珠石 在黃庭觀

泉 凡十七

虎爬泉 在祝融峯頂

虎爬泉 在祝融峯頂

虎爬泉 在祝融峯頂

虎爬泉 在祝融峯頂

虎爬泉 在祝融峯頂

虎爬泉 在祝融峯頂

虎爬泉 在祝融峯頂

太陽泉 在上封寺右

貫道泉 在湖南寺後

甘泉 在岳廟東舊有亭今廢

洗心泉 近水簾洞

紫氣泉 在黃庭觀

卓錫泉 在擲鉢峯

一環泉

九曲泉

偃月泉

垂練泉 以上俱在流杯池

碧泉 在黃庭觀

白龜泉

九龍泉

玉虹泉 流至社老澗鷄居築此

將軍泉 在將軍橋下

娑羅泉 在方廣寺後上有娑羅樹覆之

懶殘泉 在岩前

溪澗源 凡十

舜溪 在安上峯又名舜井

禹溪 在雲密峯

夕陽溪 在石橋峯

玉板溪 在寶善山房

止觀溪 在止觀橋

震石溪 在霞石橋

石門溪 在石門橋

壽澗 在紫蓋峯石上有壽岳二字宋徽宗筆因以壽名經岳廟靈壽橋合流而出灌田五百餘畝

社老澗 鶻居在此藏六結社其中有詩行世昔人書社老澗三大字妙絕有詩二章書于三字傍

靈澗 出天柱峯高低懸流而下以其通于仙源而多靈藥故名

洞真源 出朱陵洞灌田千餘畝

斷石源 在隱真坪水源有石高數丈澗數丈而中斷上有鐫字云此有用沙水如乳甚庫香有人

得期飲之可壽千歲尋遊者到此間唯聞石下有流水聲在左邊聽即落右在右聽即左罕有得者

池 凡七

仙人池 在紫蓋峯頂

墨池 在安上峯其水黑色故名

雷池 在祝融峯

化生池 在祝融峯胎生化生卯生皆於此脫殼故名

流杯池 在靜谷下相去紫巾峯半里許

老龍池 在崩岩峯右每春月間各色蝦蟆相聚至六七日而去

石龍池 在白石峯左無碍靜修之處

潭 凡八

絡絲潭 在岳廟後受壽澗水匯而爲潭

白雲潭 在白雲峯下

白龍潭 在中紫峯

黃沙潭

黑沙潭

白沙潭

俱在蓮花峯相傳梁海尊者送五龍王各居其所故其沙各以色稱至今每祈禱輒應

抱老潭 在能仁寺抱老每夕送燈於龍潭一夕龍迎去不復返故名

洞真瀑布 在招仙觀比夫觀三里瀑布如簾上有朝大壇相傳張真人曇要上昇處下有投龍潭每修齋畢輒投

金龍於此故名

書院

詩曰高山仰止景行行止蓋往哲遺踪山川增重

焉衡自唐鄴侯來歸群儒奮起歷我

國朝理學名公結社首倡文明大闢交遊駢集稱甲

天下噫地靈人傑固非偶也寧直崇構危觀侈盛

一時已耶志書院

唐

石鼓書院在迴鴈峯下石鼓山據蒸湘之會竒特秀

麗甲於荆南唐刺史齊映建合江亭於其陰元和

間士人李寬乃始構屋于山之巔讀書其中宋至

道間郡人李士真復卽其遺址而重建之景祐間
集賢校理劉沆以書院上請始賜額并學田與睢
陽岳麓白鹿並稱爲四大書院云

參考

按湘川記此山有石鼓或時自鳴則兵革起
後盧龍推鼓入潭中合江亭右有朱陵後洞
爲朱陵之西門乃唐白真人
董鍊師飛昇羽化處也

集賢書院在集賢峰下太常夏良勝謫守茶陵時同
編修張治遊衡岳與知縣彭簪議建集唐宋名賢
牌位表祀之後廢至萬曆癸巳年南岳山長郡人
曾鳳儀重建復其祀焉因以爲習靜處

李泌書院事見傳唐肅宗時請歸衡山結廬煙霞峰
頂名曰端居室泌嘗取松樛枝以隱背名曰養和
後得如龍形者因以獻帝四方爭效之歷事代宗
德宗封鄴侯後月蝕東壁泌曰吾當之矣果卒中
使于藍關遇泌單騎常服曰暫往衡山及中使至
長安聞泌計乃語人謂泌實仙去其子繁爲隨州
刺史鄴侯好藏書韓愈詩云鄴侯家多書架插三
萬軸今書院即泌居舊址

韓愈開雲堂愈字退之南陽人唐貞元間爲監察御
史以上疏貶陽山令永貞改江陵法曹自郴至衡
亟欲登衡岳以覽其勝時秋雨晦冥公默禱少頃

雲氣掃淨是夜投佛寺高閣星月掩映至曙杲杲
日出矣至今默禱之處遂名爲開雲嶺岳廟右置
有堂名曰開雲堂

韋宙書院宙仕唐爲永州太守辭官隱居衡山創書
院于淨福山兜率寺左去縣南十五里遺基尚存
廬潘書院潘唐人隱居衡山創書院于紫蓋峯院廢
基存

宋

趙抃書院抃字閱道號知非子衢州西安人曾公亮
薦爲殿中侍御史彈劾不避權貴京師目爲鐵面
御史仁宗時知成都有惠政神宗時知諫院帝曰
聞卿匹馬入蜀以一琴一鶴自隨爲政簡易亦稱
是乎王安石用事抃屢斥其不便乞去拜資政殿
學士知杭州改青州復知成都得便宜從事以太
子少保致仕其子峴奉抃遍遊諸名山遂于衡山
卜居有書院遺址存焉遺址內尚存門鼓二枚前
有民間稻田半月形疑卽門外舊池嘉靖三十六
年副使程秀民重建

胡安國書院安國字康侯謚文定崇安人徙居潭州
紹聖四年進士初提舉湖南學事詔舉遺逸安國

以王繪鄧璋應詔爲零陵簿稱二人乃范純仁客
而流人鄒浩所請託也蔡京得簿言命湖南提刑
推治無驗安國竟除名讀書於衡山紫蓋峰下著
春秋傳十五年不出二子寅宏增創書樓各有著
述今書院祀文定先生配以二子

胡寅字明仲號致堂安國第一子也安國妻夢大
魚躍盆驚覺值弟婦生男欲棄往取而子之少傑
點難制閉之空閣有雜木盡刻爲人形安國曰當
有以移其心也別置書數千卷年餘寅悉成誦宣
和中登進士張邦昌爲立寅棄官侍文定歸衡岳
著讀史管見

胡宏字仁仲號五峯安國第三子幼事楊時侯仲
良卒傳父之學優游衡山二十餘年玩心神明不
舍晝夜張栻師事之宏初以蔭補承務郎不調秦
檜當國貽書其兄寅問二弟何不通書意欲用之
寧作書止叙契好而已宏書辭甚厲人問之曰政
恐召也檜死宏被召竟以疾辭歸衡山著皇王大
紀諸書應詳下頁因前書其間又及
胡寧字和仲安國次子著春秋通旨曾歸衡山與
否不可考亦附

周濂溪書院在石鼓西南舊名鳳凰山衡陽縣學卽其地也相傳爲宋龍圖閣學士鄭向故宅先生其甥也幼孤鞠于舅氏因讀書其間及長以龍圖蔭補官蓋生長于衡者後建書院於縣學之右鑿沼環之引西湖之水注於其中東西灌輸自門至堂及閣爲梁以通出入種蓮沼中紅萼綠蓋芬芳襲人此固於濂溪得矣說者謂堪輿所關不便學宮則尤賴良有司興起斯文也

胡銓書院胡銓字邦衡廬陵人建炎二年進士尚書呂祉以賢良方正薦賜對樞密院編修官秦檜決策主和金使以詔諭江南爲名中外洶洶銓抗疏指檜姦邪誤國詔除名編管新州檜死量移衡州嘗寓西湖寺與衡士講學其中至今祠祀之

南軒書院

附二賢祠

張栻字敬夫號南軒宋魏國公浚之子忠獻罷相守永州日往來省侍受學於衡山胡五峯之門及與朱子同遊講學置書院於岳山後基存

朱熹字仲晦號晦菴幼從胡憲劉勉之劉子翬學年十八貢於鄉中紹興十八年進士第主泉州同

德安志 卷之二
安簿罷歸請祠監潭州南岳廟聞延平李侗學於
羅從彥得濂洛正傳不遠數百里往從之復與張
南軒同遊南岳講學唱酬詩可考方廣寺右立有
二賢祠祀之

趙季西書院在安上峯有墨池今池水黑色

岳麓書院在岳麓峯唐開寶中郡守朱洞首創以待
四方學者至宋祥符八年詔以岳麓書院名增賜
中秘書於是書院之稱始與石鼓并甲天下

國朝

甘泉書院湛若水號甘泉廣東增城人南京兵部尚

書先生早承江門之學以隨處體認天理爲工夫
與陽明爲友多所印證嘉靖甲辰先生年八十因
武陵蔣公信之約遂自羅浮携門人駱克知周榮
朱黃雲淡來遊衡山築室於紫雲峯之麓與衡士
講學其中凡數月乃歸嘉靖甲寅先生年九十復
來遊衡山舟經石鼓題詩講堂壁間詩云衡雲爛
睡六十日江南痛飲蒸湘頭含情吊古無言說石
鼓無聲江自流棲遲衡岳復數月龐眉皓首其顏
如童人望之若仙云

白沙書院在甘泉書院上按陳先生諱獻章號白沙

新會人甘泉蚤承白沙之學以公嘗寤寐衡岳弗果而卒於是另構堂於書院之上以祠白沙

鄒東廓書院鄒守益字謙之東廓其號江西安福人爲國子祭酒從學於陽明先生之門深契良知之旨論議精博師說愈明學者並尊師之嘉靖中講學石鼓復建書院於南臺寺左偕同志康君鍾衡士從遊者衆所著教言二十五篇復文公韻於書院壁間曰宇宙一逆旅驅車慎無左鸞凰乃贈多豺狼或笑唾卓矣臥龍翁抱膝睨王佐向非魚水歡墳玉豈易貨督餉出三洲雲鳥時一過炎德雖未恢忠貞詎肯挫後來子韓子古調亦寡和赤幟排佛老魏晉能幾箇山陽與海潮百折其坎壈廓清評武事老熊當道臥南渡得朱張絕學取上課元氣天所培僞禁理則邪太極剖南山賁育鼓群懦譬彼百畝菑閔閔勤種播豈無來年積拯此涖水餓艾齒始岳遊逢竒輒自賀懷古追千里中道敢云惰邦君時虛席群彥燦盈座九合噐猶小千駟夢已破稽首江漢訣皜皜安可漣

白龍先生別墅楊時榮字仁甫以戎籍中貴州鄉試歸衡山作別墅於巾紫峯下名其山曰止山養晦

自高不輕入公門事親篤孝人皆重之止山有白龍潭其水可以灌田身督耕其中意曠如也人稱為白龍先生云

會靈精舍

少司馬王敬所先生宗沐遊岳聚徒講學於此因建精舍置田召僧守之其田後為僧所鬻太常博士康公元積復其田而加修葺焉康公乃先生仲子士昌禮聞所取士思報本也

寶善山房在玉板橋本府知府許倓建

衡麓精舍徽州府知府王京建

藏山堂郡人譚汝賡為大理寺卿陳文燭建

天尺菴在祝融峰絕頂分巡僉事鄧雲霄建有記

公館

翠微館在流杯池知縣彭簪建

雪霽堂

光岳堂俱在岳廟前吉水鄧淮建

萬玉堂

嘉會堂在二賢祠

峒樓書堂

會講堂在石鼓山東

高齋

竹院在回鴈峯

梅雪堂在花藥山

亭

凡二
十四

望雲亭在南岳半道亭畔松杉桂皆古物宋范至能
記中稱憇食望雲亭即此

望日亭在祝融峰東

省心亭在半山人呼爲半山亭分守姚弘謨建近知
府鄧以誥重建

峻極亭在祝融峯頂御史唐符建

道人亭在岫嶼峯前古木
根盤

岳心亭在擲鉢峯

凝碧亭在雲居峯以觀
遠

風雲亭在岳麓峯

極高明亭在岳麓峯

玉虹亭在雙石峯

合江亭在石鼓山

同知沈鈇豎石榻于下題濯
纓濯足四字又名日滄浪亭

乾坤勝覽亭在祝融峯舊有亭上封寺僧鑄鐵佛其

中提學蔡潮命諸生綦組綬輦去之立石亭中

刻乾坤勝覽四字

契合亭在祝融峯下文選郎中高簡逢僧與語契合

處

仰高亭在岳山後五里提學蔡潮建

駕鶴亭在紫霄峯

半雲亭

望岳亭在花藥山

流杯亭在巾紫峯下知縣鄭冕修

一覽亭在巾紫峯上知縣彭簪建

瀉洪亭在巾紫峯下

飛瀑亭在巾紫峯下泰和劉魁議建

綉壁亭

超然亭俱在流杯池知縣彭簪建

天聚亭在岳山下

樓閣

凡八

開雲樓

仰高樓在石鼓山

大觀樓在石鼓山巔高麗弘敞登之盡覽衡郡勝槩

巡按御史史記事分巡僉事鄧雲霄同建有記

穹林閣在祝融峯

藏書閣在岳麓峯

天霽閣在南臺寺時夏良勝與張治遊岳登閣遠望

忽積雨新晴因名

紫虛閣

大悲閣在爛柯巖

卷之十一

衡岳志卷之二

分巡上湖南道僉事東莞鄧雲霄編刪

衡州府知府長泰楊鍾英

衡陽縣知縣清江羅夢暘

衡山縣知縣汜水何登高同訂

鄉紳禮部郎中耒陽曾鳳儀輯纂

衡州府學生貢王邊寧

衡陽縣學生貢王國泰

劉經筵

臨武縣學生貢鄭祖詩

郴州 學生負表伯璫同校

寺觀

二氏旨意一以虛無空寂爲本則夫丹臺金闕寶相珠珞不幾爲贅物乎以偏知識不觸不動求覺路于綦莽望彼岸于淼茫聖賢憫念欲有以啟發之乃于空中生色無裏起相所以使人觸境見性革妄歸真此信爲功德之母萬善所由生也衡之建置

頌自內帑及四方檀施甚衆薨飛楹次碁布星列三觀積蘇五時避舍流金瀉碧日月爭光暮鼓晨鐘山谷答響蓮出地花雨天虎伏林龍歸鉢八風發而愛河靜三千大千不足爲其多也雖其間劫灰幾變而覺逢彼岸于是乎在有道者莫不望丘隅而止焉卽詞人支筇折屐之餘吮毫抽思未必不觀境而增懷也志寺觀

南岳寺

在縣北

上封寺

在祝融峯上舊有司天霍王廟本以南方屬火配神曰祝融封爲司天王以配夏後爲光天觀隋煬帝南巡至此易爲寺

南臺寺

在紫蓋峯

橫龍寺

在紫蓋峯

大明寺

在烟霞峯

福嚴寺

在岳廟前

高臺寺

在祝融峯朱張遊時尚存

天臺寺

在岳廟前東畔

勝業寺

在岳廟前東畔

方廣寺

在蓮花峯寺中存有千僧鍋炊者仍或用之

岳麓寺

在岳麓峯

靜居寺

在巾紫峯

鷄鳴寺

在縣南二十里

兜率寺

在縣南二十里

天柱寺

在天柱峯

雲密寺

在雲密峯有石竈石甌存

能仁寺

在雙石峯

雙峯寺

在雙石峯

楚安寺

在明月峯

法輪寺

在响樓峯

會善寺

在會善峯

高上寺

在岳麓峯

道林寺

在岳麓峯

雁峯寺

在廬鴈峯

清涼寺

在縣治東

白鶴寺

在崇岳鄉

古塘寺

在崇岳鄉

道福寺

在崇岳鄉

大福寺

在崇岳鄉

新開寺

在崇岳鄉

寶慶寺

在崇岳鄉

延生寺

在崇岳鄉

化成寺

在崇岳鄉

白雲寺

在紫蓋鄉

七寶寺

在紫蓋鄉

雲山寺

在紫蓋鄉

湘南寺

在紫蓋鄉

普濟寺

在紫蓋鄉

多寶寺

在紫蓋鄉

崇果寺

在紫蓋鄉

隱真寺

在紫蓋鄉

福昌寺

在紫蓋鄉

永寧寺

在義城鄉

大中寺 在義城鄉

石潭寺 在義城鄉

南山寺 在義城鄉

周田寺 在義城鄉

白蓮寺 在武陽鄉

報恩寺 在武陽鄉

弘道寺 在武陽鄉

龍塘寺 在武陽鄉

鳥岑寺 在武陽鄉

楞伽寺 在武陽鄉

白鹿寺 在武陽鄉

義集寺 在武陽鄉

覺海寺 在永平鄉

碧泉寺 在永平鄉

寒水寺 在興樂鄉

太平寺 在興樂鄉

中峯寺 在興樂鄉

義興寺 在興樂鄉

龍興寺 在興樂鄉

龍居寺 在縣坊廂

西彌寺 在縣北

萬壽寺 在縣北

寶勝寺 在縣北

上方寺 在縣北

祝先寺 在縣北

花藥寺 在府城南

丹霞寺

觀音菴

鷄公菴

鉄佛菴

盤石菴

兜率菴

馬祖菴

南岳觀

在華蓋峯下按舊碑晉太康八年徐真人靈

真而加弘其武帝賜三百戶并田充其業至隋大

業八年詔請祭天師法濤李天師法超住觀焚修

興行教法衡州府庫田疇什物並賜觀資用唐貞

觀二年太宗重書額請張天師惠明度道士四十

九人為國焚修高宗弘道元年請葉天師法善封

岳嶽方四十里克宮觀長生之地禁樵採斷畝獵

罷獻琛以為常典觀內有田先生得道降真堂劉

天師真堂後有尹真人上昇壇其觀碑文隋學士

曹憲撰今見存焉

洞真觀 在岳麓

銓德觀 在紫霄寺東

黃庭觀 在集賢峯

安寶觀 在縣北

靜真觀 在武陽鄉

堯壇觀 在武陽鄉

朱陵觀 在武陽鄉

東真觀 在武陽鄉

湧泉觀 在武陽鄉

玉清觀 在武陽鄉

龍興觀 在武陽鄉

紫霄觀 在武陽鄉

屈塘觀 在武陽鄉

九靈觀 在武陽鄉

真君觀 在武陽鄉 上紫光慶華赤帝太虛之館

聖壽觀 在武陽鄉 去廟北登山七里唐咸通中建

招仙觀 在武陽鄉 廟東八里舊記云啟基劉宗卜字蕭齋又記云晉咸亨中建

九真觀 在武陽鄉 廟東十里舊記云晉太康中新野先生建

降聖觀 在武陽鄉 廟東一里舊號白雲庵司馬子微修行處

光天觀 在武陽鄉 廟北登山三十五里接福地 誌云係二十里光天壇福地

黃華觀 在武陽鄉 廟西北五里許黃華老人道場 廟武鄉真空劉真常興建道一樓

安寶觀 在武陽鄉 廟西北登山三十五里乃傳待仙以木 鑽鑽石獲天書屢林木茂密今已廢久

尋真觀 在武陽鄉 去廟九十里

普賢觀 在武陽鄉 峽峯南下當衡陽道左齊永明中道士許嗣先張志曇開山至梁周靜真住持武帝

師之雲水奔湊俱是海上奇人講空如市不虛過
目帝賜名普賢至唐陳法明先生居之修行因獻
麟得中召入內不受榮
寵乞還山封悟真先生

王清觀 在石廩峯南去廟登山

洞門觀 在石廩峯西石樞峯

太平觀 去廟西二十五里瀑布山下齊福伯玉誦太
平經兼行太平之道奉勅建太平觀今廢久

舊亦有
庵宇

西臺觀 在岫峯西北傳云周穆王所建陳
改為太初觀又云後為寺亦廢久

靈西觀 在廟西二里湖中記云昔女真薛
練師冲舉之處梁天監五年建

萬壽宮 在岳
廟左

壽寧宮 在岳山
界北

上清宮 去廟東北七里吳人徐
靈期真人修行之所

中宮 在廟之東北七里梁天監中
建真人王靈輿修行之所

元陽宮 在廟之東北登山五里與上清中宮如鼎
峙晉太始中陳真人諱興明修行之所

凌虛宮 在廟之東登山八里華蓋峯南下唐
天寶初建薛練師名季昌庵居處

洞靈宮 去廟東北登山十八里紫蓋峯東丁昔東
晉末鄧郁之字彥遠居洞靈臺誦經遇魏

夫人傳法行之而得道
係二十五洞靈源福地

九仙宮 在廟東十二里
梁天監中建

洞陽宮 在石廩峯西北乃施
真人伏鬼會真之所

紫蓋院 去廟北十五里寶勝寺上唐傳待仙修行
處諱陳二十亦修鍊於此又有鐵觀仙張

白居之北入桃源基址廢大有野人居之上有醮
斗壇龜北李生尸解處下有唐太子紫馬椿在焉

華蓋院

昔華蓋君修行處不顯名氏或云古太清觀也去廟東北十五里

田真院

在元陽宮東南二里唐寶曆中建綠筠蒼松前後掩映三清並石像殿北百餘步有

小岩田先生常憇於此

北帝院

在銓德觀後半里脩竹長松前後茂密梁天監末女冠徐練師居之修行而得道貞

觀末張惠明再修遇南岳石英夫人傳道行抱一三五混今之法而後尸解又有李思慕居之得道

宋太平興國中賜額近廢

紫虛閣

有魏夫人仙壇高一丈二尺上圓平約闊一丈亦名飛流壇

石室隱真宮

大曆年中廣成劉先生玄靜修行之處行三五步罡奪虎穴而居之名曰

隱真宮

白雲先生藥堂

在九真觀西開元中司馬天師承真小號白雲先生後授真一先生

物嘗於此修行

王氏藥院

咸通間有術士王生居之有茂松修竹流水周流及多擁樹茶菌今基址存焉

坊市

天下南岳坊

跨廟前直街宋徽宗立

岳市

自縣治堊岳門出就岳路夾道松陰三十里至廟前環廟而居為岳市江浙川廣衆貨聚焉舊

有巡檢司今棄不置

天子南宮

裂廟前直街

石

市

具官

王天藥

流木周步又參藥樹茶蘭今基址亦為

白

藥

堂

王

主

岳之林

物產

夫瑤草青精紫芝珠樹採大藥者侈談之蓋山

之靈烟霞之氣故不為塵土生也南岳為注生之

區而得氣長年露之品物松以萬年種竹以千年

稱火棗交梨奚讓焉志產物

萬年松

出祝融峯懸崖上本草類高者三四寸許

而植之蒼翠如故又拔而栽

千年竹

出水簾洞石上葉似竹高者二寸許變寒不

然

出祝融峯懸崖上本草類高者三四寸許

方竹

出蓮花山

南竹 出岳山後大者可截筒為簫以吹樂處即為
益以置多在深山中人跡罕到處不可得
杉 杉者紫油香甚土人不善栽遂謂非土之
杉宜惟岳路上有之合抱環拱森然可愛

漆樹 漆樹土人謂之漆樹其葉如
漆樹葉日黃其葉在樹上時
紫草 紫草生於山陰其葉如
紫草葉日黃其葉在樹上時

榎 榎木生於山陰其葉如
榎木葉日黃其葉在樹上時

榧樹 榧樹生於山陰其葉如
榧樹葉日黃其葉在樹上時

檀香 檀香生於山陰其葉如
檀香葉日黃其葉在樹上時

龍鬚草 龍鬚草生於山陰其葉如
龍鬚草葉日黃其葉在樹上時

蕈 蕈生懸崖如餅
蕈生懸崖如餅

香菌 香菌生於山陰其葉如
香菌葉日黃其葉在樹上時

笋 山中叢生無處無之繞山時遠近之人咸入山
採取即於山中燒火煮熟擔負而出不可勝數

蕨 土人云豐年不見
每遇饑年偏有

木耳 木耳生於山陰其葉如
木耳葉日黃其葉在樹上時

石耳 石耳生於山陰其葉如
石耳葉日黃其葉在樹上時

茶 茶生於山陰其葉如
茶葉日黃其葉在樹上時

雲母石 出石
搗峯

丹砂 俗呼聖燈其光蓋丹砂等物所
發多在金簡峯聖燈岩等處

赤芝 仙草珊瑚狀嚼之不饑神
農本草云赤芝生衡山

黃精 上品仙藥岳
山頗有之

山靈芝 山多
有之

雜藥 木通 薏苡 紫苑 粉葛 烏頭 厚朴 地黃 南星 黑牽牛 何首烏 天門冬 香附子 獨活 牛膝 天花粉 地榆 苦參 貫仲 仙茅 烏藥 蒼耳 前香 香薷

香稻 山上最高處皆有田引泉灌溉曲折高下數里消消不竭歲旱乃更得稔其種皆香稻炊飯香

白鵬 似鷄而尾長每凍雪時方出來食人始得之

黃狼 能以其群攫虎兇而食之俗呼黃班

麋

鹿

兔

獐

猿

雲師雨虎 雲師如金長陸寸似兔雨虎似蝟長柒捌寸似蛭雲雨時出在石上肉其可熟而食

石柵花 有紫碧白三色花大如牡丹亦有無花者

石榴花 出祝融峯法華寺春秋皆發

而正之皆以有司嘉意焉是吾儒所謂心出而禪門所謂法也也

白鹿

方出末食人始得之

黃狼

能食其鹿獐鹿

不獸

出所編峯

不獸

亦紫紫白

雲

十則強雲雨排出不

蒸

田賦

按田之近山者多瘠岳麓田多在石隙峻坂間膏沃者少矣苾蒨聚散無常不善為之經畫則歲時修葺供祀于何而取給每藉志田多併于豪富覈而正之恃良有司嘉意焉是吾儒所謂心田而禪門所謂福田也志田賦

湖廣衡州府衡山縣為謀姦官田事案照先蒙

湖廣等處承宣布政使司分守上湖南道右叅議

蔣案驗共計叁拾肆石捌斗整原存田種貳拾

石叁斗蒙

欽差巡撫湖廣等處地方兼贊理軍務都察院右副
 都御史陳 批據本道呈詳犯人郭憲忠等招由
 前事已經行仰衡山縣吳典史離任踏過原經案
 委永州府同知邵問明供斷南岳上封寺陸續准
 賣散焚修田產竹山今據僧人真林備情告赴
 前院批詳贖回一地名脚院西菌庄老觀音堂磊
 石橋大隴內郭憲忠名下退出田種四石二斗冊
 震寺僧真順名下退出田種五石三斗塘基一所
 竹山一片又磊石橋新塘冲劉讓十名下退出田
 種三石九斗竹山二片西菌庄茶菌嘴廖阿羅退
 出田種二石三斗竹山一片上至龍潭江磊石橋
 石面人行大路劉文倉田業高勘嘴神王廟楊應
 識田中江直下觀音堂水口山小江橋朽廟高勘
 朽樟樹古石磨一片劉文道田業為界一處磨方
 菴即龍鳳潭郭承恩退出田種一石一斗竹山一
 片王登二名下退出竹山一片廖阿羅名下退出
 田種四斗竹山一片如曉規正即顯學退出田種
 一石竹山二片上至祝融峯下底青山口竹山從
 青山嘴直下黃泥嶺橫過蓮花菴上首高山鄒華
 八從楊梅嶺插鼓峯下青山口相合為界一處白

塔庵卽潤牛塘蓮花庵僧法真名下退出田種二
石四斗四圍高山一段各界址丈踏明白繳報行
委本縣典史吳真卽令真林自備石碑將原經踏
過本寺田畝竹山坵塍界址數目刻立碑記一座
豎立與上封寺以垂永遠示令僧徒遵守銘碑後
來不許盜買廢壞上司之功德流芳百世縣官勒
石之記萬代不朽矣故碑
湖廣衡州府衡山縣爲查蘇貧釋以杜科擾事萬
曆二十年十月二十四日奉本府帖文奉
巡按湖廣監察御史李 批據本府經歷司呈詳

本年九月三十日蒙 本院憲牌恭登

南岳見得各寺僧衆貧寒蹙額形容愁苦顧此名
山自讓宗流鉢頗明道眼下傳法器千百餘人錚
錚出色而今寥寥若此詢求其故蓋緣以前本山
多有應付田地原不納糧近以丈量俱行陞科與
民一體當差且又附在衡山各里之甲下而里甲
無良之輩多事朘削日見凋瘵夫彼以久不科糧
之田旣徵其糧又當其差更以里甲需擾之柰之
何其不窮且困也夫沙門苦空之流卽四大亦屬
虛幻而顧爲糧差所困若此自是鈍根下乘應受

障縛然仁政必先窮民而無告尤當體恤貧僧今
本山田既交完一應糧差俱應照舊惟議僧戶一
體收完交官以免里甲之科擾似屬可行相應行
議爲此仰抄牌行府照牌事理即將南岳山僧道
所種丈量田地除各私買民田者照各里甲徵收
徵糧外至於原係本山應付田地舊不應差今已
升科納糧者若干各里各甲盡行摘出糧石一併
貢之殷實僧人立爲幾戶照依原派糧差徵收本
折聽僧交官以免里甲科害之弊庶此輩免需求
之擾而官司弘錫類之仁其究支力後應否交官
轉給糧長解後應否查照豁免該府審心酌議明
妥詳報知果中有窒礙不妨明白聲說無聽里甲
阻撓藉口不便以滋所私也等因蒙此該本府備
行衡山縣查議去後隨據該縣申稱萬曆十年三
月初八日奉府帖文蒙

欽差整飭柳桂衡永等處兵備副使管 案驗奉
巡按監察御史錢 批該本道呈據本府呈蒙
本道案驗蒙

巡按監察御史朱 批據南岳山僧人真林等連
名告稱師祖開墾斜坡山斗種百坵爲田額無糧

稅止奉派納官租逐年答應往來上司夫食之費尚不能敷前任劉知縣爲民苦樂不均清丈通縣田畝不敢漏摘一槩食量被縣狡猾豪徒朦朧營稟一同起科條編銀米累僧兩差何以完納備情經告道府行縣查豁未沾裁事切思十無一收歷年開花之時多遭風狂吹落秀食將收之際又被山獸作踐皆空費力僧迯佛癡官銀無徵而山僧焚修答應何脩懇天批縣查豁冊格照額起納官租與寺焚修答應等情又蒙本院批據南岳道童宋守宗等連名告憐存恤貧

道答應事俱蒙批分巡上湖南道查報蒙道併案行府查議詳報蒙府仰縣吊取南岳本山丈過誌載并開墾田畝數目赴府查議申詳本道轉呈兩院批允帖縣將南岳本山誌載并開墾丈過田五千二百六十三畝五分零內摘田八百八十四畝免納糧差每畝起納官租米一斗共米八十八石四斗九升給本山各寺僧人焚修香火答應之費摘田七百三十畝免納糧差每畝納官租米一斗共米七十三石每設立收米排年徵收存囤本山伺候上司往來散給人夫飯食支用之費又

將田一千四百二十畝零仰縣攤派銀米令立僧戶責令自行上納條編銀米其餘丁差解運雜差盡行蠲免已經遵依設立僧道戶將田分別歸入各寺觀僧道逐年照依全書派納銀米并免支力差交庫湊解各倉轉給各役並無雜差里甲科擾餘田二千二百二十八畝零前屆黃冊撥補各都各甲起徵當差外又查官宦施銀共買民田二百一十四畝三分給南臺寺景賢祠寶善山房藏山堂白沙甘泉祠并集賢書院會靈精舍各僧耕管焚修香火其田歸入各都各甲起徵錢糧當差今

奉前因將各僧前屆黃冊撥補各都各甲當差餘照全書起派條編銀米聽其僧道自行交官等因申府該本府署印朱推官具由轉詳蒙批既查明白如議將各田盡行摘出併入僧道戶內照全書起徵條編銀米免支聽僧道自行交官等因帖縣即將南岳山僧道所種田畝通共五千四百七十七畝零內將一千六百一十四畝零起納租米給僧道焚修香火并伺候上司往來人夫飯食免納糧差其餘田畝盡行摘出併入僧道戶內責令殷實僧道真菊洪等照依全書起徵條編銀米

允支聽僧道自行交官該縣仍將冊籍改正永為遵守俱毋違錯未便煩至告示者人飭嚴氣內責

萬曆二十年十月二十八日給

十四日

十四日

十四日

十四日

十四日

十四日

十四日

靈異

靈異之說似涉幻杳然存之天地間亦足為考異

者一助焉衡岳巨靈雄鎮南服古來化人羽客遊

戲其間事出神奇耳目罕見及至兵燹之遷移山

谷之更變物異事微未可縷數茲錄尚存之非以

侈怪誕蓋玄鳥空桑魯紀經史亦從其異者異之

耳志靈異

唐顏魯公作魏夫人碑南岳魏夫人華存學道久之

龜臺金母三元夫人馮雙禮珠來降教以神訣王

母擊節而歌馮雙禮珠彈雲璈而答歌

荆州記云初有採藥衡山見一老翁四五年少對坐
執書金母三夫人高雙鸞來前修以麻姑王
湘中記云衡山舜廟太守至官常遣戶曹致敬修祠
如有絃歌之聲

唐高僧傳云釋明瓚居南岳一日刺史祭岳修道路
極嚴忽中夜風雷一峯頽下其緣山磴道爲大石
攔乃多用人牛推挽物力竭而石愈固瓚曰我能
去之遂履石而動忽轉盤而下聲若震雷太守奉
若神明

酉陽雜俎云祝融峯下法華寺有石榴花春秋皆發
衡岳記祝融峯東有紫梨高三百餘尺乃夏禹所植
實大如斗赤如日若得食長生不死
義熙中山人潘覺至峯石裂有物出如紫泥香軟可
食覺不知其石髓竟不食棄去勿悟而還已不見
石碑傳云舊有仙雞報曉因喫仙草不死間有樵人
見而不能捕

田良逸母曬衣于山北聞良逸遠適速往追之不及
復聞衣已化爲石至今數百年衣色不改素潔如
初

華幽棲晦其名氏脩真于五峯之下石臺上注靈寶

經臺上烟雲如香烟繚繞而起經罷烟亦自無感
格如是

洞靈宮前有古楓一株端聳數丈根脚隆起蟠結成
一巨龜首尾足甲顯然如活觀者畏憚
尋真閣鐘重五百斤凡五更不敢扣擊恐驚地府陰
神怒也端拱未忽聞五更初鐘鳴衆皆驚訝曉而
視之鐘裂不旬日有一道人自云能補鐘但需數
千斤火于是鍛鐘道人以掌心鎔銅汁就其裂處
模之入溪洗手忽失所在其鐘至今有手模迹
致和間建安張徽言趨岳祠未至三四里覩道左松

蘿翁蔚中有高門宏麗朱書大榜曰朱陵宮門內
樓閣隱然時以日晏未暇遊觀次年自衡州回宿
勝業寺語僧景襄曰來早爲朱陵之遊襄曰此寺
之東有招仙觀觀後有朱陵洞翌旦同詣招仙觀
經歷向所見處了無所有惟空山而已比至朱陵
洞回面石壁瀑布中注亦無屋宇詢之道流云素
無此宮亦無所聞其異如此

九真觀銅鐘一口重四千斤上刻明皇御製銘音韻
振遠徹于霄漢後乾元間值兵火焚蕩鐵石鎔裂
惟有此鐘時忽不見數日一日得之觀前塘中苔

薛所漬鐘頂上龍折其右足傳云與清草渡龍闈
今觀後有龍竇嶺詳云間並其火焚蕪地不絕
洽聞記云南岳岫巉峩峩有響石呼喚則應如人共語
而不可解也試問其異或出

南岳記云衡山芝罘有石室是古人住處有刀鋸銅
銚及瓦香爐見藝文類聚詳空山而子出至米

南岳夫人還王屋山王子喬等並降時夫人與四真
人爲賓主設三玄紫柰且食未刻之或美曰

漢武帝外傳西王母謂上元夫人曰共造朱陵山食
靈瓜其味甚美憶此有七千歲矣曰太微宮門

景祐中故觀文殿學士孫沔爲御史上封事忤旨貶
永州夢道士以田爲託後徙潭州因祀岳因以物
色求所夢乃得王君之像于九仙宮遂撤縣鉤括
其宮田果爲隣觀侵佃

杜天師拾遺云魏夫人壇是一巨石方丈餘其上潤
負其下尖浮寄他石之上凡一人試手推即動或
人多致力即跂然不動遊人至爇焚香以一指點
之卽微動或云冲寂元君麻姑送夫人乘雲至此
雲遂化爲石也

唐大中元年衡州刺史韓曄爲劉元靖建會真閣就

巖闢其石室引泉環流伐木誅茅鑿其茶窻碁局
醮壇藥臼盆床燈具供噐自然生成會昌中招入
內傳受法籙封號廣成先生久之乞還山大中五
年冬十月有靈鶴屢降未幾去世聞天樂浮空及
遷神日惟杖履在

西陽雜俎云南岳僧名悟空其岳西原近朱陵洞洞
甚險絕僧遊覽累日無幽不跡忽見前崖有道士
坐繩床僧告饑因道士起指石地曰此有米乃持
斧斫石深數寸令僧探之得陳米升餘卽著于釜
承瀑敲火煮飯勸僧食一口未畢道士咲曰君塗

止此可謂薄我畢之遂喫哽飯

百斛明珠云南岳李岩老好睡衆人食罷下棋岩老
輒就枕閱數局乃一展轉云我始一局公幾局矣
東坡曰岩老常用四脚碁盤只著一色黑子昔與
邊韶敵手今被陳搏饒先著時自有輸贏著了全
無一物

招仙觀有技龍潭國家齋醮畢技金龍於此石罅微
開聞天樂之聲若遊人誠心潔志瞻視而窺之微
茫見金床玉几至道間有孕婦觸之石崖微合一

無所睹

九真觀有白龜泉其泉自崖竇迸出清泚甘冽其色
蚤晚兩變雖南山名泉無逮此者飲之無疾而壽
中有白龜大如錢白如玉隱於石竇之間人罕得
見遇之者吉祥而延壽傳云龜出仙來龜隱仙去
洞淵集有詩曰太極分形狀若壇白雲深鎖路屏
巖兀然萬古含春色光照吾皇祝壽山

東軒筆錄李觀遊南岳有一人持釘鉸之具問曰聞
君遊南岳奉煩寄語養素先生藍方云劉處士奉
問先生十月懷胎如何出得觀至南岳訪方具道
其語方寂然驚曰其人眉間得無有白痣乎曰然
方大驚曰吾不遇此人命也此所謂劉海蟾也吾
養聖胎已成患無術以出之念非斯人不足以成
吾道是年方卒

晉書云劉麟之好遊山澤採藥至衡山深入忘返見
有一澗水水南有二石困一開一閉水深不可過
欲還失道遇伐薪人問途僅乃還家或說困中皆
仙靈方藥麟之欲再尋終不復知處

皇明太祖夜夢一人脩然俯伏階下曰臣來輔陛下
上問卿何人對曰臣衡岳神也詰旦幸國學命諸
生開講時茹瑞應講與夢中所見無異上詢其籍

亦對曰小臣衡山人也土奇其與夢符遂擢用之
後永樂朝官至尚書封忠誠伯

漢武帝元鼎五年將軍路博德擊南越兵出衡山

桓帝正熹三年長沙零陵蠻反寇衡山

七年桂陽賊阻衡山爲營荊州刺史度尚討平之

晉武帝太康元年諸軍擊吳詔杜預懷輯衡陽

隋文帝開皇九年陳岳陽王叔慎起兵長沙籍衡山

兵衡陽太守樊通應之

唐僖宗中和元年武陵蠻雷滿等寇衡山

光啟二年周岳自衡山攻潭州拔之

後漢隱帝乾祐三年馬希萼以朗兵攻楚王希廣希

廣將彭希暉請以步卒三千自巴溪渡江出岳麓

之後不許

後周太祖廣順元年楚人幽其王希萼於衡山尋復

立之居衡山

宋太祖建隆三年湖南周保權遣兵戍永州至衡山

張文表驅之以襲據潭州

火變

唐玄宗開元十五年衡山岳廟火發延燒二百餘家

宋太祖乾德三年秋八月衡山火

高宗紹興二十六年潭州南岳廟火

孝宗淳熙二年夏六月戊午潭州南岳廟火

水變

宋太祖乾德四年秋八月衡山大雨月餘

神宗熙寧八年夏四月衡山水溢壞官民廬舍

物變

陳宣帝大建五年衡山有馬生角

宋真宗咸平八年秋九月甲子衡山地涌木龜首足

具高二尺圍一丈

地變

宋光宗紹熙四年秋南岳祝融峯有山自摧

賦

古蹟

夫山川之稱勝天下者匪其形勢之崇隆蓋亦有神聖之遺焉衡岳據楚上游巍然並泰華嵩恒爲宇內重鎮其精靈彪炳豈與夫荒蕪宿莽叢菁闕阜同日語耶蓋自祝融司政重華狩祀禹碑存而玄夷著馬駒出而竺識符元君之著黃庭郭侯之分半芋諸遺墟故址鑿鑿可尋也語曰涉其故丘昔人與遊睇于道周今人與諏古今興廢石火電光其不與化俱徂則惟其人志古蹟

祝融氏又曰祝誦氏厥俗容成厥師廣壽乃聽夔州

之鳴鳥以爲樂歌厥名屬續厥世和平厥始於衡
終於衡按六韜曰祝融氏古之王者也始作樂以
諧神明以和人聲金縢子作祝歛氏孝經鈎命决
曰祝融氏以火施化號爲赤帝梁祠畫像記曰祝
融之時未有嗜欲刑罰未施而民勸化葬於衡山
故衡岳亦有赤帝峯云

赫胥氏一曰赫蘇氏厥紀禪通始於潛山按前編曰
禪通者禪讓之德通於天道路史曰潛山卽衡岳
天柱山仙傳拾遺曰赫胥耀跡於潛山卽所謂十
四洞天在南岳是時民居罔知攸行出也罔知所

之赫胥尊民而重事其卒也葬於衡之朝陽臺云
神農氏號爲炎帝厥產烈山厥國伊耆以火德王因
以火名官乃斲揉耒耜以教民耕乃嘗草合藥以
濟民生乃命赤翼爲杵臼乃命巫咸主卜筮乃命
屏封作種書乃命刑天作扶犁之樂乃命白阜作
地紀以理天下按史記曰神農母曰女登有媧氏
之女爲少典妃感神龍而生炎帝起烈山水經曰
在隨州之厲山鄉有神農社又有神農井生而九
井皆出稟宇記及一統志皆然即今其塚在衡州

鄱縣

燧人氏厥禪有巢游於日月之都寓於南垂楚南垂也乃有木焉啄其枝蓬然火出燧人感之乃象心星鑛木出火革生以熟以遂乎人亦謂之遂皇今楚溪洞諸蠻擊石取火刻木失信猶有燧人之風軒轅氏披山通道南至於江登熊湘得風后於竟陵以爲相乃命祝融辨乎南方爲司徒史記註曰熊湘山在長沙益陽縣世紀曰祝融者卽祝融氏之後也又莊子載帝張鈞天咸池之樂於洞庭之野未可盡信姑存之

祝融黃帝司徒也厥辨南方厥司離烜天明地德光

照四海以生柔嘉材厥後爲黎代爲火正以世其官按黃帝舉六相風后太常蒼龍祝融大封后土祝融辨乎南方爲司徒及帝之孫高陽氏作乃命祝融爲火正少昊之衰九黎亂德高辛氏作乃以南正重司天北正黎司地又以黎爲火正鄭桓公問於史伯曰南方不可畜乎史伯曰荆子熊嚴是天啟之也天之所啟十世不替且重黎之後也黎爲火正命曰祝融能昭顯天地之光明以生柔嘉材者也融之興者其在芊乎又禪通紀紀爲君者其先后也在軒轅之世爲臣者其後賢也不有先

德曷以傳不有後賢何以續故曰祝融之功大矣南岳衡山君領仙官七萬七百人入諸南岳所部山川神皆出迎南岳君服朱光之袍九丹日精之冠佩夜光天真之印乘赤龍從群官來迎霍山南岳儲君黃帝所命衡南之副主也領群靈三萬人上調和氣下拯黎民關校衆仙制命水神是峻驗之府而爲諸靈之所順也道士入其境儲君服青錦之袍戴啟明之冠佩道君之玉策而來迎子或乘科車或駕龍虎

潛山儲君黃帝所命爲衡岳儲二時參政事令職以輔佐者也入其山潛君服紫光繡衣戴恭靈之冠佩朱宮之印乘赤虬之車而來迎

虞舜帝南巡狩至於南岳柴望秩於山川肆覲南后五玉三帛協時月正日同律度量衡脩五禮如五噐遂崩於蒼梧世紀曰有苗氏叛舜南征崩於鳴條葬於蒼梧孟子以爲卒於鳴條與此相合豈鳴條亦在蒼梧之野與書亦曰陟方乃死今南岳有舜洞舜溪遺蹟

夏禹王治水荆及衡陽惟荊州江漢朝宗於海九江孔殷沱潛旣導雲土夢作又導嶓冢至於荆山內

方至於大別岷山之陽至於衡山過九江至於敷
淺原按書傳曰九江即洞庭一日瀟二日湘三日
蒸四日濱五日沅六日漸七日淑八日辰九日西
爾雅曰江出爲沱漢出爲潛古尚書注曰江北爲
雲江南爲夢吳越春秋曰禹按黃帝中經見聖記
在九疑天柱號曰宛委承以文王覆以盤石其書
金簡玉字禹乃南巡登衡岳宛委山得治水之記
雖其言誕妄然書謂天錫禹洪範亦或有是理也
今在岫嶠峰有禹蝌蚪碑

拾遺記曰高辛時丹丘國獻瑪瑙甕以盛甘露舜遷

碑碣

今夫名山大川即斷碣殘碑悉希世物蓋其或顯
或晦若有鬼神爲之呵護故歷萬劫不與俱盡爾
禹碑在衡山絕頂昌黎詩曰岫嶠山尖神禹碑字
青石赤形模竒科斗拳身薙倒披鸞漂鳳泊挈龍
螭事叢跡闕鬼莫窺道士獨上偶見之我來咨嗟
涕漣而千搜萬索何處有森森綠樹猿猴悲詳詩
語始終昌黎蓋至其地矣未見其碑也所謂青字
赤石之形模科斗鸞鳳之點畫乃述道士口語爾
若見之矣其發揮稱贊豈在石鼓下哉迨宋朱張

同遊南岳博採廣蒐竟不得此碑所在後晦公著
 韓文考異遂謂衡山實無此碑及以韓詩爲傳聞
 之誤又考六一集古錄趙明成金石錄鄭漁仲金
 石畧諸家古刻臚列無遺獨無此刻則自昔好古
 名流得見是刻者亦罕矣西蜀楊用修得是刻于
 碧泉老子山靈珍重之物歷三千餘年至是始洩
 于人間昌黎所謂事嚴跡闕者信夫天壽神物無
 終闕之理乃其間顯晦啟秘有數存焉昌黎諸君
 子未必無遺恨矣爰摹而傳之其諸貞珉之勒悉
 附錄俟博古者採焉志碑碣

函
 碑

承

承

帝

帝

承

帝

陽祥

念

日

念

念

念

念

襲

翼

翼

翼

為

為

為

造

佐

接

造

造

弱

洲

水

洲

洲

塗

清

塗

塗

與

與

陸

島

島

島

瀉

歌

瀉

登

登

登

之

之

端

門

門

鄉

參

參

巴

身

身

仔

洪

洪

魚

龍

而

而

船

流

流

池

流

明

明

暗

歌

歌

歌

爾

爾

遲

興

興

眠

又

又

以

卽

廐

廐

音田 廐

岳

岳

岳

家

家

冬

族

族

此

風

陷

智

陷

麓

麓

麓

次

宿

次

訖

志

訖

三

音

裂

音

开

形

音

折

折

折

折

心

音

音

周

周

周

周

弗

音

嚶

辰

嚶

往

往

往

竅

竅

求

求

華

華

出

出

衡

衡

恒

恒

宗

宗

泰

泰

定

求

衡

裁

華

平

穉

穉

穉

穉

穉

穉

穉

穉

穉

穉

穉

穉

穉

穉

穉

穉

穉

穉

穉

穉

穉

穉

穉

穉

穉

齋

塞

澹

遊

徒

徒

屬

昏

塾

南

南

南

氣

瀆

未

行

昌

衍

恒

負

言

事

負

節

衣

節

Seal script character 1

魑

魑

Seal script character 2

魅

魅

Seal script character 3

窠

窠

Seal script character 4

夔

夔

Seal script character 5

聯

聯

Seal script character 6

別

別

Seal script character 7

魑

魑

Seal script character 8

界

界

行... 卷... 李... 卷...

行... 卷... 李... 卷...

舞

舞

永

永

蒸

蒸

音

音

音

禹碑釋文

楊慎

承帝曰咨翼輔佐卿洲渚與登鳥獸之門參身洪流

而明發爾興久旅忘家宿岳麓庭智營形折心罔弗

辰往求安定華岳泰衡宗疏事哀勞餘伸裡鬱塞昏

徙南瀆衍亨衣制食備萬國其寧竄舞永奔

又由文門... 沈鎰

承帝曰嗟翼輔佐卿水處與登鳥獸之門參身漁池

而明發爾興以此忘家宿岳麓庭智營形折心罔弗

辰往求平定華岳泰衡宗疏事哀勞餘伸裡鬱塞昏

徙南暴昌言衣制食備萬國其寧鼠舞蒸奔

禹夏之神人名文命顓頊之後鯀之子舜之臣也禹承舜帝命已日嗟者言可嗟嘆之事下文水患是也舜言禹乃我馮翊輔佐之卿所當與同憂者今水懷山襄陵九州一壑是所處者皆在水中與所登者皆鳥獸所由之門何異參身於魚池之中卽劉子言微禹吾其魚之意此皆爲可嗟之事也因戒禹當明發不寐早夜興起以除此害以上述舜命禹之詞於是禹承此命乃急於救民故三過其門不入八年于外不歸以此忘家而來宿於岳麓之庭也是以勞心焦思則智營矣手胼足胝則形折矣辰時也是也言此

心無時不在於是必欲徂求天下之平定而後已所以華岳泰衡之名山無處不到也宗主也疏導也事治水之事也哀聚也言所主疏導之事雖則聚於一身然山川之神柴望之禮不可不舉故於勞苦之餘亦當少伸禋祀之誠也羸水之充斥處也塞水之壅遏處也昏下民昏墊者也今此三者之害旣徒則險阻旣遠之意則水患除矣於是南荒之地始可以暴其昌言以淑諸民性卽詩言陳常于時夏之意使之以有所制食有所脩不致有祈寒阻饑焉而萬國以之咸寧矣末言鼠乃昆蟲之細其性穴處而惡濕今

水患既除則得以安於穴處衆鼠亦知樂舞而各有
所奔投無復昔日沒溺之患矣卽鳥獸咸若百獸率
舞之意必言鼠者據時所見者言蓋鼠雖至微亦有
所處而樂則大者可知矣亦禹貢言陽鳥攸居之意
也初鑑得此刻也夜焚香而祝曰神禹聖人也如其
有靈也俾某識之兆諸夢焉是夜夢有一長人挈一
古餅授鑑其色黃其高尺許上方下圓腹外有金環
者四其口旁橫書三字曰某宮造下有篆文悉如龍
蛇草木之形寤而忘首一字及旦起誦碑文恍若素
識畧不勞深索因竊爲註釋以志之非敢自欺以欺

人也

又

楊時喬

承帝令襲翼爲援弼欽塗陸登島澗端鄉邑仔倉流
船暗歇遲眠卽夙迄冬次岳麓屏音陌裂沓析音
罔墮躔往末出竅華恒泰衡嵩嶺事哀獻梓拱裡鬱
濤塾徒南暴幅貞節別界聯魑魅夔魁竄舞蒸音
碑語卽書典謨經書備列者承卽祇承帝卽帝舜令
卽命禹作司空平水土襲重續沿代意卽鯀墮洪水
禹乃嗣興以子代父之事翼卽汝翼爲卽汝爲援卽
拯溺弼卽汝弼欽卽欽哉塗川上路陸地中道登陟

望意島海中山墩瀉海邊鹵地端發始處民聚爲鄉
合鄉爲邑仔夜半子時麓資次流順水船合舟暗日
落昏時歇憇息遲暮夜過期眠暫寐卽作急夙歲早
訖旣至冬歲終次旅寓岳南岳麓山足屣住足地陌
大白澤裂敞壞甚高平崗析分斷踞高聲叫罔無之
墮墜怠躔日行晷刻徃胼手胼足行求圖謀出去乎
此窳巢營通明處華西岳恒北岳泰東岳衡南岳嵩
中岳陸蓋竟哀完成獻奉享禘谷粟實去皮挺恭捧
稗祭告鬱木石壅過瀉疏道墊岨巖墜下徙移去南
爾方卽南暨暴日照明盛幅以車載負轉運財賦節
制別割辨界分域聯共壤魍金火怪魅草木怪夔
獨目土石怪魍獨足山澤怪竄驅逐之舞怪形逃匿
一參一差皆遠去蒸煎消之燄恠火蜉蝣倏熄至滅
盡也

大禹言承帝舜令夔父鯀治水之任汝翼汝爲汝援
汝弼于時欽哉首于起塗行陸以冀州帝都當先者
登海中山島海沿鹵瀉荒度其治之之事其序發始
於一鄉旣而各邑卽書敷土隨山刊木奠高山大川
者以一日言日初子刻資次順流之船卽書乘四載
者日落昏刻乃歇暮夜過期乃眠以一歲言作速於

早歲竟業于歲終卽書娶于塗山辛壬癸甲起呱呱而泣子弗子者以四方言次南岳山麓而止住得其山水南北條境導之則見大白澤傾壞高平崗崩折卽書湯湯洪水方割蕩蕩懷山襄陵浩浩滔天水逆行泛溢于中國蛇龍居之民無所定者民被患害群聲大叫卽書下民昏墊下民其咨者下者卽地阜爲巢上者卽山巔爲營苟有通明處棲寓焉將以爲民除此患胼手胝足而往爲圖謀去乎窵摠自西岳華山北岳恒山東岳泰山南岳衡山中岳嵩山週圍盡處無一不到乎治事始用集成卽孟子掘地注之海

驅蛇龍放之菹水由地中行險阻旣遠鳥獸害人者消然後人得平土而居中國可得而食者於是爲鼎鬲以民間耕種所得谷粟去皮取實恭捧祭告報成於上帝卽書暨益奏庶鮮食稷奏庶艱食鮮食懋遷有無化居烝民乃粒者從茲名山大川凡洪漲屢爲水石所壅遏鬱未舒者皆疏導之巖岨所墜下墊未平者皆徙去之卽書萬邦作乂者此後凡南方日照明盛之地風聲文命政令皆暨以車輶轉運財賦達於帝都卽書六府孔修庶土交正慎財賦咸則三壤成賦中邦五百里甸侯綏要荒五服所謂因地制宜

民經理以通貢道者也又節制割辨分爲經界合而
疆聯卽書弼成五服至於五子州千有二師外薄四
海咸建五長所謂辨方正位定疆域以奠民居者也
尚以衡山外素稱鬼方火金恠爲魑草木怪爲魍土
石怪爲夔山澤怪爲魑凡能爲氛祲爲災害爲妖幻
者皆驅逐之其形逃匿一參一差相比而遠去煎消
之其火蟬蛸倏發倏熄消滅而至盡無復爲民物患
則荒莽幽暗之地盡闢卽書山川鬼神爾莫不寧鳥
獸魚鱉咸若地平天成者是也當八年於外三過其
門而不入今將玄圭告成之時書此碑以紀成功以

鎮鬼怪卽書南暨吳越春秋所謂安山治水之紀是
也又古聖人爲文皆韻碑七十七字九二段首段五
句前二句句四字後三句句三字以襲弼陸瀉邑爲
韻五仄聲次段自仔麓至末十五句句四字以船眠
戾躔衡裡負聯羣爲韻九平聲所爲律律卽韻韻卽
歌歌卽書九功惟叙九叙惟歌勸之以九歌俾勿壞
者是也大旨卽書儆戒無虞無若冊朱傲予思日孜
孜六府三事允治諸章同意乃書存此獨未錄今讀
之則尊君命蓋父愆敬天享神安民阜物錫貢奠居
除怪開荒華夷咸歸一統而兢業儆戒憂勤惕勵之

心保治圖安之政無一念一刻不在於民乃若文詞
精卓聲調和諧叙事豐贍卽書懋德嘉績昌言汝惟
不矜不伐天下莫與爭功爭能者可槩見焉萬古思
禹功者觀河洛又觀此碑乃知古帝王御世平治艱
難後世願治之君志學之士時爲誦讀爲箴規不得
以山水遊玩賞樂文詞字畫參視之焉卽所禪於治
學者巨也

彌明碑

自此以下
皆碑碣

唐端平二年七月立字磨滅過半不可讀以句彌
明隱居南岳水簾洞爲道士善詩韓愈石鼎聯句

詩句可考

集福殿碑

宋大觀二年立今在岳山稻田中龜趺巍然字多
剥缺

代祀南岳碑

至元十九年立又二十五年立

南岳司天大化昭聖帝加封碑

至元二十八年立

南岳廟鎮碑

泰定四年立

重修岳廟碑

至正十年立

七十二峰碑

舊有碑刻七十二峰圖裂棄草莽中吉水鄧淮取而彌完之覆以亭

金簡玉字之書

吳越春秋言禹治水獲此書刻石山之高處今未有見者

玉砂石刻

在金簡峰石高濶數丈而中斷之石下有水聲號石崖間有刻字云玉砂之水如乳其香人得一啜地久天長然人跡罕到未有見者

壽岳

二字刻在祝融峰下巨石上石可坐數十人下有崑爲宋徽宗御筆

壽

字刻在祝融峰下宋三山黃桂書

仙關

二字刻石壁上今地名稱仙關

天下南岳

此廟前坊也四字宋徽宗御筆

天下名山不空土今此亦無山關

徽宗御書在方廣

天下第一泉

大字刻在水簾洞

朱陵大虛

大字刻在水簾洞石壁上

水簾洞

大字刻在石壁

國朝石刻

勅祀南岳碑

洪武二年立文見後藝文類

御祭南岳碑

洪武三年宣德元年正統九年景泰元年天順元
年成化元年四年六年十三年二十年弘治六年
十年正德七年十二年嘉靖元年九年各一道

重修南岳廟碑

成化九年立

天地靜巖

大字俱在流杯池知縣彭簪書

天子萬年

四篆字刻在祝融峰下衡州府知府丁孔璋書

琬溪

二字刻在石壁東洲夏良勝篆

名賢

山川之勝非緣人造也而實以人顯青蓮詩云地

逐名賢好不其然乎討往蹟于衡昌黎開雲朱張

霽雪清獻卜隱文定橫經及我

明諸君子接踵後先輝映山谷矣曷可無考志名

賢

周

秦伯偕仲雍奔荆楚採藥衡山之下荆人義之從者

日眾東至海上得千餘家遂為國號勾吳

南宋

劉凝之枝江人慕老萊子嚴子陵之爲人推家財與弟及兄子州里重其仁德禮辟並不受携妻子隱居衡山之陽

劉麟之南陽人與凝之同時覓藥衡山深入不返

宗炳字少文其父繇之湘鄉令宋武帝旣誅劉毅領荆州辟少文爲主簿不起乃入廬山武帝移書召爲太尉掾不起宋受禪頻徵不應衡陽王義季爲荆州親至其室與之歡宴命爲咨議參軍不起妻羅氏與少文協趣遠遊登衡岳因結宇於其間焉

唐

李勣字懋功曹州人太宗舉義兵勣禦賊破敵真觀中拜并州都督乾封元年爲遼東大摠管伐高麗有功加英國公解組居衡山卒塋沙泉

李敬玄與吐蕃戰敗貶衡州刺史居衡山

曹王臯貶潮州復爲衡州刺史居衡山

牛僧孺爲武宗所貶宣宗卽位遷僧孺爲衡州刺史

入衡山

歸崇敬字正體吳人唐天寶中對策第一大曆初授倉部郎中冊立新羅使海道風濤舟幾沒衆驚謀以單舸載而免荅曰今共舟數十百人我何忍獨

濟哉少頃風息先是使外國多齎金帛貿易所無
崇敬囊惟衾衣東夷傳其清德八年遣祀衡山

南唐

廖凝字熙績衡山人夙學邁德隱居南岳時登眺祝
融峰頂而石廩天柱芙蓉華蓋舉目盪胷烟雲蒼
蒨奇葩異卉觸思成韻一時詩人盡屈其下南唐
王李景平馬氏之亂遣使聘之凝初不屈後江南
交構為亂劇賊蜂起凝曰與其抱道而死以遺吾
名孰若就義而仕以存吾宗之為愈遂出為彭澤
令慕陶元亮之風委身去留畧無凝滯及視篆未

幾哈爾嘯曰昔淵明不以五斗米折腰吾何火為

人役惻愴若轅下駒即因題詩曰風清竹閣留僧宿雨濕莎庭放吏衙遂解

印歸衡山

廖融字元素衡陽人不樂進取獨耽山水之樂與任
鶴凌蟾王正巳相友善隱處衡山卒刺史何承矩
葬之進士鄭鉉志其墓

後漢

劉昌嗣湘鄉人隱帝時為磁相二州刺史帝遇害昌
嗣憤之即避衡山馬殷招以賓禮不赴周行逢逼
為掾昌嗣曰吾嘗致身漢氏縱不能為夷齊獨不

衡岳志 卷之二 五十三
可效梅福乎乃改姓范號愚叟躬耕終身

宋

李迪爲真宗宰相及真宗崩丁謂怨寇準而太后憾迪誣以朋黨竄之入衡山

張耒字文潛淮陰人弱冠第進士歷官至龍圖閣學士謫監黃州徽宗時監南岳廟

汪若海字東叟歙縣人高宗時獻平寇策悉用之李宏等襲死湖湘遂平以若海爲承務郎監潭州南岳廟

岳廟

廖倚衡山人始以進士舉於有司不中遂避公卿門

尋歸衡山

呂陶時宣仁后崩哲宗追貶司馬光呂公著官因流陶及孔文仲於衡山

趙汝愚爲韓侂胄所忌慶元間竄入永州卒於衡山皮龍榮咸監間以資政殿大學士見忤於賈似道竄

入衡山

陳瓘字瑩中爲監察御史因事忤蔡京著尊堯集以排王氏竄郴州居衡山

李觀元祐間司馬溫公荐之除知虔州不就請監南岳廟

林用中字擇之與朱張同遊衡岳各贈以詩極一時
李之雅亦聞名焉公卷之八
林湜字正甫紹興間進士出爲湖南運副從朱文公
遊南岳執弟子禮

劉洪字共父崇安人以進士主管南岳廟

戴溪字蕭望永嘉人淳熙五年省試第一歷官至太

子詹事文華閣學士監潭州南岳廟

趙善湘字清臣澧安懿王五世孫以恩補保義郎監

南岳廟

劉漢弼字正甫上虞人嘉定九年進士監南岳廟

鄭樵字漁仲莆田人監南岳廟著有金石集以不見

禹碑爲恨

真德秀字景元浦城人慶元五年進士授南劍州判

歷官十五年以寶謨閣待制湖南安撫使知潭州

惠政畢舉暇則登南岳

元

楊宗節以翰林學士爲南岳山長

何鼎爲南岳山長

國朝

劉紹先衡山人洪武甲戌貢入胄監授知休寧縣丁

丑坐事者民孫子任赴闕懇留 上加之復其職
歷官刑部郎樂於恬退歸耕衡山之下

王守仁字伯安餘姚人官至兵部尚書封新建伯有
文武才能博通性命神仙之學寓南岳

羅洪先字達夫吉水人進士及第授修撰陟贊善以
諫罷歸遊南岳寓觀音巖與僧楚石爲方外交

吳忠富號裕菴子別號鶴湖山人幼讀儒書涉獵諸
子早歲事親純孝父病躬侍湯藥衣不解帶者月
餘父母沒處一弟不分財產常積穀千餘借貸鄉
人貧者還其券不追人皆重其尚義又以方藥

療諸疾病者不計遠近貧富卽往人皆稱爲仁厚
年五十餘足不履公門日遨遊七十二峰間經年
不就家一日端坐而逝後二子先後登鄉魁成進
士人以爲積善之報云

吳紀登成化戊戌進士由兵戶二曹主事郎中以忤
瑾出守浙江叅政踰年旋告致將本司俸贖計二
千壹百兩轉解畢左轄處貯庫以備賑濟出行之
日行李蕭然歸家角巾私第絕跡公府自登鄉薦
迄宦成垂四十年家不滿中人產日與南臺無碍
僧爲方外交自號五峯道人所著有貽清軒漫稿

鄺季弘官遷使臨武人按公先世鄺幼父得同邑成
仙武丁之傳修真朱明峰一日騎牛遊羅浮訪蘇
仙入朱明洞曰此南岳前洞白玉蟾詩云夜月祇
爲蘇鄺照曉峰多爲葛黃開復有鄺秋蟾宦成歸
隱得秘書于石匣依法修之數月風雷聽其後使
未幾脫化去以故弘携家子彥譽尋仙跡遺踪盤
桓朱陵五峰之間有年日與雲朋霞友爲方外交
學成應制科累官至廣東副使有德政商恪庵公
誌其銘冰清玉潔道氣仙風其人可槩矣譽生九
男命八子居端山下繡衣里繼青箱黃老者代不
乏人令晚生者寓衡岳俾世祀祝融君以終厥志
人目之有仙種云

衡岳志卷之二
衡岳志卷之二
衡岳志卷之二



